

四庫全書

集部

欽定四庫全書

集部

五百家註柳先生集

御題

卷一至三

詳校官監察御史<sup>臣</sup>邱文愷

檢討<sup>臣</sup>何思鈞覆勘

總校官編修<sup>臣</sup>王燕緒

校對官編修<sup>臣</sup>孫希旦

謄錄監生<sup>臣</sup>朱沅

五百家註昌黎集實宋槧之佳者柳子厚集雖亦五百家註版式行款標題並同而紙色墨香遜韓集遠甚且正集廿二卷以下至末皆闕又改目錄終以彌縫之更非完善第柳集註刊本今鮮存者亦覺片羽可珍惟當居韓之次耳附識題韓集詩之後並書冠此集卷端

乾隆甲午仲秋御筆



欽定四庫全書

集部二

五百家註柳先生集

別集類一 唐

提要

臣等謹案五百家註柳先生集二十一卷唐柳宗元撰宗元集劉禹錫稱編次為三十二通至宋初穆修好其文復為刊行之其後方崧卿鄭定張敦頤等各為訓釋卷目遞有增損此本乃南宋慶元中建安魏仲舉所輯五

百家註與昌黎集並刊於家塾者前有評論  
訓詁諸儒姓氏一篇檢核實不足五百家之  
數書中所列有集註有補註有音釋有解義  
又有孫氏童氏張氏韓氏諸解此外亦罕所  
徵引蓋宋人輯書喜誇採摭之富所云家數  
固不足盡憑然蒐羅究為繁富書後新編外  
集三卷乃原集未錄之文共二十五首附錄  
四卷則羅池廟牒及崇寧紹興加封告詞之

類而法言註五則亦在其中疑即方崧卿所  
裒集者又附以龍城錄二卷而柳文綱目文  
安禮年譜則俱冠之卷首其中如封建論後  
附載程敦夫論一篇又楊雄酒箴李華德銘  
屈原天問劉禹錫天論之類亦俱采掇附入  
其體例與韓集稍異雖編次叢雜不無繁冗  
而旁搜遠引斤斤以博學詳說為務殊有足  
資考訂者且其槩鏤最精在宋代舊刻中尤

稱善本今流傳五六百年而紙墨如新神明  
煥發復得與昌黎集註聯珠合璧同為

秘府之儲是固可為寶貴也乾隆四十六年十

二月恭校工

總纂官臣紀昀臣陸錫熊臣孫士毅

總校官臣陸費墀



看柳文綱目

呂居仁云韓退之文渾大廣遠難窺測柳子厚文分明見規摹次第初學者當先學柳文後熟韓文則工夫自易爾

浮休先生云扶導聖教剷除異端以經常為己任死而無悔韓愈一人而已非獨以屬辭比事為工也如其祖述典墳憲章騷雅上轢三古下籠百氏極萬變而不華會衆流而有居迫然沛然橫行闊視於綴述之場子厚

金史卷之八十二  
綱目  
其人也彼韓子者特以醇正高雅凜然無雜乃得與之  
齊名爾必也兼誦博記馳騫奔放則非柳之敵

陳長方云柳子厚之才韓退之有所不逮但韓公下筆  
便以三代為法其文章如人少年暮年毛髮不同而風  
儀皆此人也子厚在中朝時尚有六朝規矩讀之令人  
鄙厭至永州以後始以三代為師至淮西一事退之作  
碑子厚作雅逞其餘力便覺退之不逮子厚直一日千  
里也死於元和十四年退之長慶間著述覺子厚瞠若

其後耳余嘗以三言評子厚文章曰其大體如紀渚子  
養鬪雞在中朝時方虛驕而恃氣永州以後猶聽影響  
至柳州後望之似木雞矣

邵氏聞見錄云韓退之之文自經中來柳子厚之文自  
史中來

金華先生程子山曰前輩謂退之子厚皆於遷謫中始  
收文章之極功蓋以其落浮誇之氣得憂患助言從字  
順遂造真理耳

東坡云子厚詩在陶淵明下韋蘇州上退之豪放奇險  
則過之而溫麗靖深不及也

柳先生年譜

柳氏之先自黃帝歷周魯孝公子夷伯展孫無駭生禽  
為魯士師謚曰惠食采於柳下遂姓柳氏楚滅魯仕楚  
秦并天下柳氏遷於河東秦末柳下惠裔孫安始居解  
縣安孫隗漢齊相六世孫豐後漢光祿勳六世軌晉吏  
部尚書生景猷晉侍中二子者純者號西菴  
純號東菴者汝南太  
守二子恭璩恭後魏河東郡守南徙汝潁遂仕江表曾  
孫緝宋州別駕宋安郡守生僧習與豫州刺史裴叔業

據州歸於後魏為揚州大中正尚書

世系

從心

固

因

回

某

臨邛令子  
厚有亡姑  
陳氏墓誌

某

旌德尉子  
厚有伯母  
祖妣李氏  
墓誌云夫  
人生男一  
人諱某終  
於宣州旌  
德尉新吏  
云旌德令  
恐誤

鎮  
侍御史

曹郎

子厚有伯  
祖妣李氏  
墓誌云有  
孫二人長  
曰曹郎

宗元

子厚生於  
代宗之大  
曆十一年  
貞元九年  
登進士第  
唐史言宗  
元少精敏  
絕倫為文  
章卓犖精

告

字用益咸  
通初年中  
進士第三  
人史述其  
事退之墓  
誌云子厚  
有子男二  
人長曰周  
六始四歲  
季曰周七  
子厚卒乃

欽定四庫全書

子夏  
徐州  
長史

五百家類編柳先生集

云考諱某  
為臨邛令  
是也

察躬

湖州德清  
令子厚有  
讓監察御  
史狀云臣  
祖名察躬  
是也

從裕

滄州清  
池令

某

朔方管田  
副使殿中  
侍御史集  
有墓版文

縑

華陰主簿  
集有叔父  
祭六伯母  
文

綜

續

綴一時輩  
行推仰第  
進士博學  
宏詞授校  
書郎調藍  
田尉其與  
楊梅之書  
云吾年二  
十四求博  
學宏詞即  
貞元十二  
年也子厚  
之從兄弟  
見於集者  
有宗一宗  
玄宗直等  
世系不可  
得而詳

曹婆

集有叔妣陸氏遷  
附誌云夫人生男  
一人曰曹婆



代宗大歷八年癸丑

子厚生代宗之十一年也

九年甲寅

十年乙卯

十一年丙辰

集有先太夫人盧氏歸祔誌云宗元始四歲居京城  
西田廬中先君在吳家無書太夫人教古賦十四首  
皆諷傳之即此年也

十二年丁巳

十三年戊午

十四年己未

德宗建中元年庚申

二年辛酉

三年壬戌

四年癸亥

興元元年甲子

貞元元年乙丑

按唐本紀德宗興元元年二月甲子李懷光反貞元  
元年八月甲戌伏誅是年有為崔中丞賀平李懷光  
表劉夢得作集序云子厚始以童子有奇名於貞元  
初

二年丙寅

三年丁卯

四年戊辰

五年己巳

與楊誨之書云吾年十七求進士即此年也有為文  
武百官請復尊號表三首

六年庚午

是年有與權補闕書註云時年十八為文武百官請  
復尊號表三首又大會議表二首

七年辛未

八年壬申

是年貢於京師見送苑論詩序云八年冬余與馬邑  
苑言揚聯貢於京師是歲小司徒顧公守春官之缺  
而權擇士之柄明年春同趨權衡之下並就重輕之  
試二月丙子有司題甲乙之科揭於南宮余與兄又  
聯登焉

九年癸酉

是年登進士第集有先侍御史府君神道表云貞元  
九年宗元得進士第上問有司曰得無以朝士子冒

進者乎有司以聞上曰是故抗姦臣實參者耶吾知其不為子求舉矣是年有送苑論詩序

十年甲戌

十一年乙亥

十二年丙子

按唐史言宗元少精敏絕倫為文章卓偉精緻一時輩行推仰第進士博學弘辭科授校書郎調藍田尉其與楊誨之書云吾年二十四求博學宏辭即貞元

十二年也是歲有終南山祠堂碑太白山祠堂碑邠  
寧進奏院記與大理崔少卿啟叔父殿中侍御史柳  
公墓表叔妣陸氏夫人遷祔誌萬年縣丞柳君墓誌  
監察御史周君墓表

十三年丁丑

十四年戊寅

與楊誨之書云二十四求博學弘辭二年乃得仕蓋  
此年也

十五年己卯

是年有柳常侍行狀亡妻弘農楊氏誌國子司業陽城遺愛碣與太學諸生書書之首云二十六日集賢殿正字柳宗元則子厚是時蓋在書府也有辯侵伐論註云在集賢院為徵天下兵討淮西作

十六年庚辰

是年有賀嘉瓜白兔等表溫縣主簿韓君墓誌伯祖妣李夫人墓誌亡姊裴氏夫人墓誌



十七年辛巳

是年有南嶽雲峯寺和尚碑叔父祭六伯母文亡姑

陳氏夫人墓誌

十八年壬午

是年有武功縣丞壁記盤屋縣新食堂記京兆府請  
復尊號表三首為耆老等請復尊號表為京畿父老  
上宰相狀為京畿父老上尹狀亡友校書郎獨孤君  
墓誌

十九年癸未

是年為監察御史裏行劉夢得集序云十有九年為  
材御史是也有讓監察御史狀譜說朝日說為李京  
兆祭楊郎中文兵部楊君墓碣弘農令柳府君墳前  
石表送文暢上人序

二十年甲申

是年有監察使壁記南嶽般舟和尚第二碑祭李中  
丞文尚書戶部郎中魏府君墓誌

順宗永貞元年乙酉

順宗以貞元二十一年正月丙申即位三月癸巳立  
廣陵郡王為皇太子有賀立皇太子表八月庚子立  
皇太子為皇帝自稱太上皇有百寮賀表辛丑改元  
永貞有賀改元赦表乙巳憲宗即位有即位禮畢賀  
表賀冊太上皇后及禮畢表請聽政表三首是年入  
尚書為禮部員外郎與蕭俛書云僕當時年三十三  
甚少自御史裏行得禮部員外超取顯美欲免世之

求進者怪怒媚嫉其可得乎蓋是年子厚年三十三也  
也以王叔文黨貶邵州刺史又貶永州司馬有陳給  
事行狀戶部侍郎王公太夫人劉氏墓誌潞州兵曹  
柳君墓誌

憲宗元和元年丙戌

正月丁卯大赦改元有賀改元赦表劍門銘嚴東川  
啓先侍御史府君神道表東明張先生墓誌陸文通  
先生墓表連州司馬凌君權厝誌哭連州凌司馬詩

二年丁亥

有懲咎賦送趙大秀才往江陵序先太夫人盧氏歸  
附誌

三年戊子

有貞符非國語與呂道州書與王參元書答吳武陵  
書同吳秀才贈李睦州詩序貞符序言臣所貶州有  
流人吳武陵為臣言董仲舒對三代受命之符而元  
和四年有與楊京兆書云去年吳武陵來美其齒少

才氣壯健可以興西漢之文章則吳武陵之來永州  
蓋在是年也有龍安海禪師碑凌君墓後誌送婁圖  
南遊淮南序酬婁秀才早秋月夜病中見寄酬婁秀  
才將之淮南見贈之作遊南亭夜還叙志七十韻特  
進南公睢陽廟碑

四年己丑

是年子厚年三十七在永州有與裴埴蕭俛李建揚  
京兆許京兆等書與蕭書云人生少得六七十者今

已三十七矣與李書云前過三十七年與瞬息無異  
又云裴應叔蕭思謙各有書足下求取觀之應叔頃  
也思謙倅也與楊京兆書云永州多火災五年之間  
四為大火所迫答許京兆書云伏念得罪來五年未  
嘗有故舊肯以書見及者則子厚自永貞元年貶至  
是五年也又有為南承嗣請從軍狀送南涪州量移  
澧州序送內弟盧遵遊桂州序寄桂州李中丞薦盧  
遵啟新作法華寺西亭記始得西山燕遊記鈞鉅潭

記鉛鋸西小丘記丘西小石潭記小姪女子墓塋記

五年庚寅

是年有與揚州李相公第二啟與楊誨之書說車贈  
楊誨之送從弟謀序讀韓愈所作毛穎傳後題太府  
李卿外婦馬淑誌趙秀才羣墓誌下殤女子墓塋記  
聞藉田有感詩

六年辛卯

有上西川武相公啟報與楊誨之書為柳公綽謝上



表祭呂化光文衡州刺史東平呂君誄試大理評事  
柳君墓誌同劉二十八哭呂衡州詩

七年壬辰

有賀皇太子牋上嶺南鄭相公啟弘農公左官三歲  
復為大僚獻詩五十韻送崔策序武岡銘袁家渴記  
石渠記石澗記小石城山記永州刺史崔君權厝誌  
祭崔使君文

八年癸巳

有逐畢方文黃溪記鐵鑪步志答韋中立書呂侍御  
墓誌祭呂敬叔文

九年甲午

有囚山賦起廢答段太尉逸事狀與韓愈書上河陽  
烏尚書啟毀鼻亭神記文宣王道州廟碑南嶽大明  
寺律和尚碑湘源二妃廟碑處士段弘古墓誌詔追  
赴都迴寄零陵親故詩過衡山見新花開却寄弟詩  
汨羅遇風詩北還登漢陽北原題臨川驛詩界圍巖

水簾詩戲贈詔追南來諸賓詩

十年乙未

有詔追赴都二月至灞亭上詩云十一年前南渡客  
四千里外北歸人又酬賓員外見促行騎詩云投荒  
垂一紀新詔下荆扉蓋子厚之貶至是十一年也退  
之墓誌云元和中嘗例召至京師又皆出為刺史而  
子厚得柳州有衡陽與夢得分路贈別詩重別夢得  
詩三贈詩再上湘江詩其贈別詩云十年顛顚到秦

京誰料翻為嶺外行而夢得酬贈詩云去國十年同  
赴召渡湘千里又分歧重臨事異黃丞相三黜名慚  
柳士師蓋夢得初貶連州後赴召例授播州子厚以  
播地遠夢得親老欲拜疏以柳易播會大臣亦有為  
夢得言者遂改授連州故詩有重臨之語子厚以是  
年三月徙柳州六月到任有柳州謝上表柳州舉自  
代狀柳州上中書門下狀雷塘禱雨文萬石亭記記  
柳州山水近治可遊者誌從父弟宗直殯祭弟宗直

文先聖文宣王柳州廟碑大鑒禪師碑大鑒者佛氏  
之第六祖也東坡居士云柳子厚南遷始究佛法作  
曹溪南嶽諸碑妙絕古今長老重辨師儒釋兼通道  
學純備以謂自唐至今頌述祖師者多矣未有通亮  
簡正如子厚者唐史元和中馬總自虔州刺史遷安  
南都護徙桂管經略觀察使以碑攷之蓋自安南遷  
南海非桂管也可以正唐史之誤

十一年丙申

有井銘祭井文寄韋珩詩別舍弟宗一詩韓漳州書  
報澈上人亡因寄詩聞澈上人亡寄楊侍郎文詩按  
劉夢得靈澈集序云元和十一年終於宣州開元寺  
即此年也別宗一詩云一身去國六千里萬死投荒  
十二年自永貞元年至是十二年矣

十二年丁酉

有代李愬袁州謝上表復大雲寺記東亭記祭楊詹  
事文朗州司戶薛君妻崔氏墓誌第郭師墓誌其誌

云丁酉之年秋既季即是年九月也

十三年戊戌

有平淮夷雅上裴門下啟上襄陽李僕射啟與邕管  
李中丞啟為裴中丞乞討黃賊上裴相狀為裴中丞  
伐黃賊轉牒上李夷簡書答杜溫夫書萬年令裴府  
君墓碣襄陽承趙君墓誌上夷簡書云宗元曩者齒  
少心銳徑行高步不知道之艱以陷乎大阨窮躋隕  
墜廢為孤囚日號而望十四年矣獻淮夷雅表曰臣

負罪竄伏違尚書牋奏十有四年蓋自始貶至今十  
四年韓退之羅池碑云侯為州三年柳民既皆喜悅  
嘗與其部將魏忠謝寧歐陽翼飲酒驛亭謂曰吾棄  
於時而寄於此與若等好也明年吾將死死而為神  
後二年為廟祀我及期而死其與部將飲酒驛亭蓋  
此年也

十四年己亥

是年李師道伏誅有賀破東平表為裴中丞賀破東



平表賀東平赦表賀分淄青為三道表禮部賀冊尊  
號表為裴中丞謝討黃賊表答鄭員外賀啟答諸州  
賀啟上中書門下狀上裴相狀上裴中丞狀訾家洲  
亭記韋夫人墳記嶺南鹽鐵李侍御墓誌邕管李中  
丞墓誌處士裴君墓誌試大理評事裴君墓誌秘書  
郎姜君墓誌按唐史吳武陵傳云初宗元謫永州而  
武陵亦坐事流永州宗元賢其人及為柳州刺史武  
陵北還大為裴度器遇每言宗元無子說度曰西原

蠻未平柳州與賊犬牙宜用武人以代宗元使得優游江湖又遺工部孟簡書曰古稱一世三十年子厚之斥十二年殆半世矣霆砰電射天怒也不能終朝聖人在上安有畢世而怒人臣耶且程劉二韓皆已投拭或處大州劇職獨子厚與猿鳥為伍誠恐霧露所嬰則柳氏無後矣度未及用而宗元死武陵此書蓋在元和十一年又三年而子厚死矣墓誌云子厚以元和十四年十月五日卒年四十七明年七月十

日歸葬萬年先人墓側

柳文年譜後序

昔之論文者或謂文章以氣為主或謂文窮而益工先生與楊憑書亦曰凡為文以神志為主又云自貶官來無事讀百家書上下馳騁乃少得知文章利病先生自妙齡秀發連中異科繼登臺省旋遭斥逐故予以先生文集與唐史參攷為時年譜庶可知其出處與夫作文之歲月得以究其辭力之如何也紹興五年六月甲子

欽定四庫全書

年譜

知柳州軍州事潞國文安禮序

柳集所收評論詁訓諸儒名氏

唐

燕山劉氏

名昀撰  
舊書傳

蔣氏

名係撰  
舊書贊

中山劉氏

名禹錫字夢得編纂柳集作序  
并祭文與公以文字往來見集

安定皇甫氏

名湜字持正  
有祭公文

東平呂氏

名溫字和叔一字化光  
與公以文字往來見集

宋

河南宋氏

名祁字子京撰新史  
本傳餘議論見文集

廬陵歐陽氏

名修字永叔撰新史紀志表餘  
議論見集古錄諸序并文集

徂徠石氏

名介字守道  
議論見唐鑑

陽翟孫氏

名甫字之翰  
議論見唐論斷

成都范氏

名祖禹字純甫  
議論見唐鑑

橘林石氏

名恣字敏若  
議論見唐史  
發揮或云發揮鄭少微作

建安王氏

名崇字次山  
撰唐書制  
辨十卷及注唐文八卷

竇氏

名革撰唐  
書音辨

涑水司馬氏

名光字君實議論見通鑑及考異并文集

京兆劉氏

名恕字道原議論

河東柳氏

名開字仲塗議論見文集

河南穆氏

名修字伯長校柳集作後序

尹氏

名洙字師魯議論見文集

臨川晏氏

名殊字同叔校正柳文集

王氏

名安國字平甫議論

金陵王氏

名安石字介甫議論見臨川文

眉山蘇氏

名洵字明允議  
論見老泉文集

蘇氏

名軾字子瞻議  
論見東坡文集

蘇氏

名轍字子由議  
論見穎濱文集

九江夏氏

名竦字子喬  
議論見文集

蘇氏

名過字叔黨議  
論見斜川文集

南豐曾氏

名鞏字子固  
議論見文集

曾氏

名肇字子開  
議論見文集

淇水李氏

李清臣字邦直  
議論見文集



盱江李氏

名觀字泰伯  
議論見文集

豫章黃氏

名庭堅字魯直  
議論見文集

宛丘張氏

名耒字文潛  
議論見文集

淮海秦氏

名觀字少游  
議論見文集

北山陳氏

名師道字无已一字  
履常議論見文集

濟北晁氏

名補之字无咎議論見  
離騷諸序餘見文集

濟南李氏

名鷹字方叔  
議論見文集

眉山唐氏

名庚字子西議  
論見魯國文集

欽定四庫全書

王右軍刻和牙三月  
評論刻結諸儒名氏

三

龜山楊氏

名時字中立  
議論見語錄

陳氏

名長方字齊之  
議論見語錄

鄒氏

名浩字志完  
議論見語錄

謝氏

名諤字昌國  
議論見語錄

石氏

名大任字安世  
議論見語錄

尹氏

名焞字彥明  
議論見語錄

孔氏

名武仲字常父  
議論見語錄

扶風馬氏

名才字子才  
議論見文集

蜀郡鄭氏

名少微字明舉  
議論見文集

朱氏

議論見秀  
水閒居錄

張氏

名舜民字芸叟  
議論見畫墁集

王氏

名得臣  
議論見塵史

張氏

名俞字少  
愚議論

沈氏

名括字存中  
議論見筆談

胥山沈氏

名晦校柳  
文撰後序

東萊呂氏

名本中字  
居仁議論

欽定四庫全書

五百家註析先生集  
評論刻諸儒名氏

四

茗溪胡氏

名仔議論見  
漁隱叢話

曾氏

議論見筆  
墨閒錄

周氏

字少隱議論  
見楚辭贅說

洪氏

名芻字駒父議  
論見詩話文集

廣漢張氏

名震字真父  
議論見文集

東萊呂氏

名祖謙字伯恭  
議論見文集

永嘉陳氏

名傳良字君舉  
議論見文集

廬陵楊氏

名萬里字庭秀  
議論見文集

梅溪王氏

名十朋字龜齡  
議論見文集

洪氏

名邁字景盧  
議論見文集

龍溪汪氏

名藻字彥章撰柳公永  
州祠堂記餘議論見集

曹氏

名輔撰  
祭公文

黃氏

名翰有  
祭公文

許氏

名尹有  
祭公文

文氏

名安禮撰柳  
文年譜後序

李氏

名概撰柳  
文後序

三山林氏

名之奇字少頴議  
論見漢唐龜鑑

眉山程氏

名敦厚字子山著韓柳意  
釋餘議論見金華文集

臨邛宋氏

名遠孫字仲山議  
論見語錄及文集

橫浦張氏

名九成字子韶議論見  
漢唐鑑及唐史摘實

屏山劉氏

名子翬字彥冲議  
論見奧論文集

歷陽張氏

名孝祥字安國  
議論見文集

永嘉葉氏

名適字正則  
議論見唐鈔

西山邵氏

名博字公濟  
議論見文集

箕山晁氏

名公遯字子西  
議論見集

邛南計氏

名有功字敏夫  
議論

廣漢何氏

名耕字道夫  
議論柳文

觀堂劉氏

名望之字夷叔  
議論見文集

眉山劉氏

名觀字中遠  
議論

眉山李氏

名燾字仁甫  
議論

資中李氏

名石字知幾  
撰柳文後序  
餘議論見方舟文集

恭南馮氏

名時行字當可  
議論見縉雲文集

陵陽喻氏

名汝礪字迪孺  
議論見雜文

導江王氏

名咨字夢得  
議論見雪齋文集

洪川姜氏

名如晦字彌明  
議論見月溪文集

眉山劉氏

名更字子有  
議論見橫舟文集

李氏

名紫字清  
叔議論

上舍黃氏

名唐著柳文  
雌黃五十篇

鶴山呂氏

名東字伯陽  
校正韓柳文

建安蔡氏

名夢弼字傳卿  
增註韓柳文集



建安魏氏

名懷忠字仲舉  
校正唐柳文集

眉山王氏

名稱字  
季平

三江任氏

名淵字子淵  
議論并解

眉山孫氏

名汝聽字  
良臣全解

眉山劉氏

名崧字公  
輔全解

臨邛韓氏

名醇字仲  
韶全解

南城童氏

名宗說  
全解

新安張氏

名敦頤  
音辨

欽定四庫全書

日下舊聞  
評論訓詁諸儒名氏

陳氏

名鶚字一

飛音釋

新添集註五十家

續添補註七十家

欽定四庫全書

五言家註柳先生集卷一

雅詩歌曲

獻平淮夷雅表一首

集註曰詩序宣王能興衰撥亂命召公平淮夷  
註云淮夷東國在淮浦而夷行也元和十三年  
十月癸酉平吳元濟在淮蔡故曰淮夷蓋公擬  
江漢之詩而作也與韓文公平淮西碑同時作  
先儒穆伯長云韓元和聖德平淮西柳雅章之  
類皆辭嚴義偉律制述如經能率然律唐德於盛  
漢之表談藝云論柳更者皆以謂封  
建論退之所無淮西雅韓文不逮

欽定四庫全書

卷一

臣宗元言臣負罪竄伏違尚書牋奏十有四年

童曰禮部郎官掌尚

書牋奏公永貞元年自禮部員外郎貶邵州刺史又貶永州司馬元和十年召至京師又出為柳州刺史

至是元和十三年為十四年故云

聖恩寬宥

補註周官司刺掌三宥三赦之法一宥曰不識再宥

日過失三宥曰遺忘

命守遐壤

孫曰謂元和十年三月為柳州刺史也

懷印曳紱

紱綬

也有社有人

孫曰論語有民人焉有社稷焉

臣宗元誠感誠荷頓首頓

首伏惟睿聖文武皇帝陛下天造神斷克清大慙

補註慙惡

也書康誥曰元惡大慙此謂平吳元濟也慙徒對切

金鼓一動萬方畢臣太平之

功中興之德推校千古無所與讓臣伏自忖度

補註忖度字見

孟子王曰詩云他人有  
心子忖度之度徒各切

有方剛之力

孫曰詩膂力方

不

得備戎行

音杭

致死命況今已無事思報國恩

一作恩德

獨惟

文章伏見周宣王時稱中興其道彰大於後罕及然徵

於詩大小雅

孫曰小雅六月采芑車攻吉日大雅崧高烝民韓奕江漢常武

其選徒出

狩則車攻吉日

韓曰詩小雅車攻宣王復古也宣王能內修政事外攘夷狄復文武之竟土修

車馬備器械復會諸侯於東都因田獵而選車徒焉吉日美宣王田也能謹微接下無不自盡以率其上焉

命官分土則崧高韓奕烝人

韓曰大雅崧高尹吉甫美宣王也天下復平能建國

朝諸侯褒賞申伯焉韓奕尹吉甫美宣王也能錫命諸侯烝民尹吉甫美宣王也任賢使能周室中興焉補註

欽定四庫全書

卷一

丞民作丞人  
避唐諱也

南征北伐則六月采芑

韓曰小雅六月宣  
王北伐也采芑宣

王南  
征也

平淮夷則江漢常武

韓曰大雅江漢尹吉甫美宣  
王也能興袞撥亂命召公平

淮夷常武召穆公美宣王也有  
常德以立武事因以為戒焉

鏗鉤炳耀

童曰鏗鉤鐘  
鼓聲鏗丘耕

切鉤呼  
宏切

盪人耳目

盪音蕩又去  
聲他浪切

故宣王之形容與其輔

佐由今望之若神人然此無他以雅故也臣伏見陛下

自即位以來平夏州

童曰永貞元年八月乙巳憲宗即  
位其年冬夏綏銀節度留後楊惠

琳反元和元年三月夏州  
兵馬使張承金斬惠琳

夷劍南

童曰永貞元年八月  
癸丑劍南西川節度

使韋皋率行軍司馬劉闢自稱留後元和元年正月命  
高崇文率李元奕罷曠李康以討闢擒闢以獻十月闢

伏取江東

童曰元和二年十月鎮海軍節度李錡反殺  
留後王澹乙丑命王諤討之癸酉鎮海軍兵

馬使張子良執錡以  
獻十一月錡伏誅

定河北童曰元和七年八月魏博

諫自稱知軍府事十月魏博軍以田季安之將田興知  
軍事是月興以六州歸於有司十一月赦魏博貝衛瀛

相六州詔興充魏博節度使賜名弘正韓曰元和四年  
成德軍節度使王承宗反五年赦之至十年有罪絕其

朝貢詔六州節度進討  
三年承宗獻德棣二州降今又發自天衷克翦淮右童

元和九年閏八月彰義軍節度吳少陽卒其子元濟自  
稱知軍事九月命嚴綬李光顏李文通烏重胤討之十

二年十月克蔡州  
十一月元濟伏誅而大雅不作臣誠不佞然不勝憤懣

懣音悶一作踊懣  
一作憤踊踊音勇伏以朝多文臣不敢盡專數事謹撰

平淮夷雅二篇雖不及尹吉甫召穆公等庶施諸後代  
有以佐唐之光明謹昧死再拜以獻臣宗元誠恐誠懼  
頓首頓首謹言

平淮夷雅二篇

并序

皇武命丞相度董師集大功也

孫曰元和十二年七月以宰相裴度為中書侍

郎同平章事充淮西宣慰處置使董督也

皇者其武

童曰者致也詩者定嗣功是也音旨又巨移切

于澌于淮

孫曰澌水名說文水

出潁川陽城少室山東入潁童曰唐潞水縣屬陳州元和九年討蔡以李光顏為陳州刺史充忠武軍都知兵



馬使始踰月權本軍節度使詔以其軍當一面光類乃  
壁激水其明年大破賊時曲又與烏重肩破賊小激河

既巾乃車

補註巾飾也周官有巾車之職左氏傳云巾車脂轄巾一作徒環蔡其來其一作具

狡衆睿器

張曰狡衆賊徒也睿器愚也口不道忠信之言曰器○殺古巧切器魚巾切

甚毒

于醒

童曰醒酒病也音呈

狂奔呌歟

孫曰呌歟謹聲也詩或不知呌號載號載呌呌尼父切亦

作以干大刑

干一作扞

皇咨于度惟汝一德曠誅四紀

孫曰自吳

少誠少陽至元濟凡五十年

其俟汝克

俟待也

錫汝斧鉞其往視師師

是蔡人以宥以釐

音僖

度拜稽首廟于元龜

孫曰元龜大龜也廟

于元龜者謂以元龜卜之於廟也

既禡既類

禡莫駕切

于社是宜

韓曰禡類宜皆師祭

也詩是類是禡禮記天子將出征類于上帝宜乎社造乎禡禡于所征之地

金節煌煌

孫曰周禮

凡邦國之使節山國用虎節土國錫盾雕戈

孫曰說文

用人節澤國用龍節皆以金為之

錫盾雕戈

孫曰說文

曰錫盾矛盾所以扞身蔽目者雕犀甲七屬楚辭操吳戈兮被犀甲以犀為

威命是荷

詩百祿是何註何任也通作荷童曰左傳昭七年弗克負荷荷音作河

度拜稽首出次

于東天子餞之

孫曰是歲八月度赴淮西上御通化門送之

疊疊是宗

孫曰

文云龜目酒樽刻木作雲雷之象象施不窮也罕玉爵夏曰琖商曰斚周曰爵一說罕受六升○罕舉下切

鼎臚俎載

韓曰臚羊豕臂也載大臚也○臚奴侯切載側吏切

五獻百盞

韓曰禮記一獻

質三獻文  
五獻察

凡百卿士班以周旋

既涉于漣

孫曰漣水名出京北藍田

關入灞童曰漣水在京北唐都於此度之出討淮西涉此水以往漣音產

乃翼乃前孰圖歟

猶孫曰猶謂謀猶詩王猶允塞

其佐多賢

韓曰度表馬總為宣慰副使韓愈為行軍司馬李正

封馮宿李宗閔備幕府皆朝廷之選

宛宛周道

孫曰周道猶言大道也詩有棧之車行彼周道

于

山于川遠揚邇昭陟降連連

我旆我旗

孫曰說文云旆者繼旄之

旗沛然而垂

于道于陌

孫曰阡陌田間道南北曰阡東西曰陌

訓于羣帥拳勇

來格

孫曰詩巧言無拳無勇職為亂階註拳力也格至也

公曰徐之無恃額額

童

額額勇悍之貌書問晝夜額額鄂格切

式和爾容惟義之宅

宅居也

進次

于郾

童曰唐許州潁川郡有郾城縣與蔡州為隣裴度傳云度屯郾城勞諸軍宣朝廷厚意士奮于勇李

光顏傳云十二年四月敗賊於郾城守將鄧懷金大恐率諸將來服開門待光顏入之城自壞者五十版。郾

於憶於彼昏卒狂哀兇鞠頑孫曰哀聚也鞠告也詩采芣二切

旅也。哀蒲蜂蜚斧蟪孫曰說文蜚蟲也似豪猪而小侯切鞠音掬

如蜩赤子匍匐厥父是亢亢拒也童曰爾雅云亢鳥隴如蟾

亢者總謂怒其萌芽以悖太陽補註太陽日也三山老人語錄云柳子厚平淮

西雅曰赤子匍匐厥父是亢怒其萌芽王旅渾渾胡

以悖太陽言賊以逆取敗最為精確是佚是怙既獲敵帥若飢得餉童曰餉申時食音步蔡兇伊

胡昆

二切

窘悉起來聚左擣其虛

擣音

靡愆靡慮

孫曰李祐言於李愬曰蔡之精

兵皆在洄曲及四境拒守守城者皆羸老之卒可以乘虛直抵其城比賊將聞之元濟已成擒矣愬從之遂克

蔡州

載聞載拔

孫曰拔謂拔除不祥音弗

丞相是臨

孫曰十月度建彰義節將降卒

萬餘人入蔡州

弛其武刑

弛解也施是切

諭我德心

孫曰度以蔡卒為牙兵或諫曰蔡人

反側者尚多不可不備度曰吾為彰義軍節度使元忠既擒蔡人則吾人也又何疑焉蔡人聞之感泣

其

危既安有長如林

長上聲

曾是謹誂

謹音歡誂女交切

化為謳吟

皇曰來歸汝復相予爵之成國

韓曰一作公于有晉以下文觀之意若重

復昨以夏區

韓曰度本傳度入朝策勲進金紫光祿大夫弘文館大學士上柱國晉國公戶三千

欽定四庫全書

卷一

復知政事晉地即夏之所都左氏傳云昔武王克商分唐叔命以康誥而封於夏墟註夏墟大夏今太原晉原也度拜稽首天子聖神度拜稽首皇祐下人 淮夷

既平震是朔南宜廟宜郊以告德音歸牛休馬

孫曰書歸馬於

華山之陽放牛于桃林之野示天下弗服牛一作刃

豐稼于野我武惟皇永保無疆

皇武十有一章章八句

方城命懋守也卒入蔡得其大醜以平淮右

集註左氏楚國方城以為城方城山名在唐州元和十一年十二月以李愬為唐鄆隋節度使與元濟戰數有功十二年十月愬自文城因天大雪疾馳百二十里夜半至懸瓠城破其門取

元濟以獻得其大醜謂此大醜大  
首也易曰獲其大醜○愬音訴

方城臨臨王卒峙之

孫曰爾雅供峙具也峙直里切

匪傲匪競

傲求也古亮切

皇有正命

正一作王

皇命于愬往舒余仁踣彼艱頑

踣僵也蒲墨切

采

惠是馴

愬拜即命于皇之訓

孫曰書于帝其訓于謂遵行也

既礪既

攻

孫曰礪淬礪書礪乃鋒刃

以後厥刃王師疑疑

張曰詩克岐克嶷魚力切又九嶷山

名也音疑

熊羆是式

補註式猶似也

銜勇韜力

銜乎監切

日思予殛

孫曰殛誅

也蓋言欲誅賊也晏本作思奮予殛又一作日思奮殛

寇昏以狂敢蹈愬疆士獲

厥心大袒高驤

孫曰驤舉首也

長戟酋矛

孫曰考工記酋矛常有四尺註云酋發聲

欽定四庫全書

卷一

直謂祭其綏章

孫曰詩王錫韓侯淑旂綏章註云綏章所引以登車有采章也祭采章貌

右

翦左屠聿擒其良

孫曰十二年二月愬擒元濟捉生虞侯丁士良士良元濟驍將愬釋其縛

署為捉生將士良感之言於愬曰賊將吳秀琳擁三千之衆據文城柵為賊左臂官軍不敢近者有陳光洽為之謀主也士良能擒光洽戊申果擒光洽以歸三月秀琳以文城柵降愬撫其背慰勞之

其良既宥

告以父母恩柔于肌卒貢爾有維彼攸恃乃偵乃誘

孫曰

愬厚待秀琳與之謀取蔡秀琳曰公欲取蔡非得李祐不可愬遣廂虞侯史用誠生擒祐以歸釋不殺用其策戰比有功偵侯

維彼攸宅乃發乃守

其恃爰獲我功我多

也問也

陰謀厥圖

謀間謀連協切

以究爾訛雨雪洋洋

雨去聲

大風來加



孫曰十月愬軍出攻蔡夜至張紫  
村風雪旌旗裂人馬凍死者相望  
于燠其寒燠乙于過其

遐

汝陰之莊

孫曰汝陰地名蔡州之境

懸瓠之峨

孫曰懸瓠蔡州城取其形似峨

高也董曰愬傳云愬入蔡州取吳元濟道分輕兵斷橋  
以絕洄曲道又以兵絕朗山道行七十里夜半至懸瓠  
城雪甚城旁皆鵲驚池愬令擊之以亂  
軍聲賊恃吳房朗山戍晏然無知者  
是震是拔大殲

厥家

殲將廉切

狡虜既縻輸于國都示之市人即社行誅

孫曰

愬至懸瓠城壬申攻牙城毀其外門癸酉毀其南門元濟  
於城上請罪梯而下檻送京師十一月以元濟獻廟社斬  
於獨柳之下  
一本作以誅  
乃諭乃止蔡有厚喜完其室家仰父母

子

補註劉夢得嘉話拾遺言柳八駁平淮西碑云左餐  
右粥何如平淮夷雅仰父母子又云韓碑兼有帽子

使我為之便  
說用兵討叛

汝水云云

童曰云云水  
流轉貌音云

既清而瀾

童曰眇瀾  
水貌瀾一

作夷

蔡人行歌我步逶遲

逶遲於  
危切

蔡人歌矣蔡風和矣孰

類蔡初

類盧對切  
晏本作類

胡旣爾居

旣旣不安貌童曰爾雅康  
執謂之旣說文康執破嬰

也前漢賈誼傳註康執瓦  
盆底。旣牛列五計二切

式慕以康為愿有餘是究是咨

皇德既舒

皇曰咨愬裕乃父功

裕大  
也

昔我文祖惟西

平是庸

孫曰愬父晟事德宗平朱泚之  
亂功居多封西平王庸用也

內誨于家外刑

于邦

孫曰刑  
典刑也

孰是蔡人而不率從

蔡人率止惟西平有

子西平有子惟我有臣疇允大邦

孫曰漢書疇其爵邑  
疇等也蔡平以愬檢

校尚書左僕射襄州刺史充山南東道節度襄  
鄧隋唐復郢均房等州觀察使一本允作允字俾惠我

# 人于廟告功以顧萬方

黃狀元唐曰學者皆以平淮一事為章武萬功韓柳二詩為工

於文愚竊笑之淮蔡唐地也元濟唐臣也外連姦雄內  
刺宰相併天下之力僅能取三州困斃之餘本吾臣子  
而以逆誅之本吾故地而以新復之君臣動色相慶有  
覩面目矣昔魏太祖時國淵破田銀蘇伯於河間及上  
首級如其實數太祖問其故淵曰河間封內之地銀等  
叛逆雖克敵有功淵竊恥之諸葛孔明出祁山而南安  
天水安定歸降且拔千餘家還漢中蜀人皆賀孔明感  
容曰普天之下莫非漢民以此為賀能不為愧嗚呼國  
子尼不以討封內之寇為有功孔明不以得漢氏之民  
為可賀則唐室平藩鎮之逆又果足以形於歌詠乎二  
子之見亦韓柳  
有所不及者矣

方城十有一章章八句

唐饒歌鼓吹曲十二篇

并序

韓曰饒如鈴無舌有秉孫曰饒小鉦也軍法卒長執饒古今注漢樂有黃門鼓吹天子所以宴羣臣短簫饒歌鼓吹之一章爾亦以錫有功諸侯饒女交切吹尺偽切

負罪臣宗元

一無負罪二字

言臣幸以罪居永州

韓曰憲宗即位改元元和和

十一月公敗永州司馬

受食府廩竊活性命得視息無治事時恐

懼小間

音閤

又盜取古書文句聊以自娛

元俱切

伏惟漢魏

以來代有饒歌鼓吹詞

見下註

唯唐獨無有臣為郎時以

太常聯禮部

孫曰公為禮部員外郎與太常寺相近

嘗聞鼓吹署有戎樂

詞獨不列今又考漢曲十二篇

韓曰晉志云漢時有短

驚思悲翁艾如張上之回雍離戰城南巫山高上陵將  
進酒君馬黃芳樹有所思雉子班聖人出上邪臨高臺  
遠如期石留務成玄雲黃爵行釣竿凡二十二曲列於  
鼓吹多序戰陣之事序云十二篇豈公之所取者止於  
是耶已下魏晉曲亦與序不同意倣此補註唐歐陽詢  
載梁沈約鼓吹曲十二首云漢第一曲朱鷺今本紀謝  
漢第二曲思悲翁今賢首山漢第三曲艾如張今桐柏  
山漢第四曲上之回今道亡漢第五曲翁離今抗威漢  
第六曲戰城南今漢東流漢第七曲巫山高今鶴樓峻  
漢第八曲上陵今睿主漢第九曲將進酒今石首局漢  
第十曲有所思今期運集漢第十一曲芳樹今於穆漢  
第十二曲上邪今大梁公云漢曲十二篇疑本於此也

魏曲十四篇

韓曰及魏受命改其十二曲使繆襲為詞述以功德代漢改來驚為楚之平言魏也

改思悲翁為戰榮陽言曹公也改艾如張為獲呂布言曹公東圍臨淮擒呂布也改上之回為克官渡言曹公與袁紹戰破之於官渡也改雍離為舊邦言曹公勝袁紹於官渡還譙收藏死亡士卒也改戰城南為定武功言曹公初破鄴武功之定始乎此也改巫山高為屠柳城言曹公越北塞歷白檀破三郡烏丸於柳城也改上陵為平南荆言曹公平荊州也改將進酒為平關中言曹公征馬超定關中也改有所思為應帝朗言文帝以聖德受命應運期也改芳樹為邕熙言魏氏臨其國君臣邕穆庶績咸熙也改上邪為太和言明帝繼體承統太和改元德澤流布也其餘並同舊

晉曲十六篇

韓曰

武帝受禪令傅玄製為二十二篇述以功德代魏改來驚為靈芝祥改思悲翁為宣受命改艾如張為征遼東

改上之回為宣輔改改雍離為時運多難改巫山高為  
平玉衡改上陵為文皇統百揆改將進酒為因時運改  
有所思為惟庸蜀改芳樹為天序改上邪為大晉承運  
期改君馬黃為金靈運改雉子班為於穆我皇改聖人  
出為仲春振旅改臨高臺為夏苗田改遠如期為仲秋  
猶田改石留為順天道改務成為唐堯改黃爵行為伯  
益釣竿依舊名其改者辭各有所指漢歌詞不明紀功  
猶魏之改漢也今云十六篇意見上

德魏晉歌功德具今臣竊取魏晉義用漢篇數為唐饒  
歌鼓吹曲十二篇紀高祖太宗功能之神奇因以知取

天下之勤勞命將用師之艱難每有戎事治兵振旅幸

歌臣詞以為容

孫曰容謂容貌威儀也  
漢時徐生善為容是也

且得大戒宜敬

而不害臣淪棄即死言與不言其罪等耳猶冀能言有益國事不敢效怨懟默已

童曰懟亦怨也左傳以死謹諱懟。懟直類切又音隊

冒死上

隋亂既極唐師起晉陽平姦豪為生人義主以仁

興武為晉陽武第一

韓曰晉陽太原屬邑隋煬帝大業十二年以唐高祖為太原留守時煬帝南遊江淮天下盜起太宗在晉陽陰有安天下之志義寧元年晉陽宮監裴寂晉陽令劉文靜與太宗協謀遂起義兵於晉陽八月高祖克長安武德元年受隋禪即位焉



晉陽武奮義威煬之渝

孫曰煬暴也渝一作淪淪喪也言煬帝失德以亡其國。煬音

漾德焉歸氓畢屠

孫曰言民皆屠戮也

綏者誰皇烈烈專天機號

以仁揚其旗日之昇九土晞

孫曰九土九州晞一作熙

詐田圻

音祈一作

斥田圻圻恥格切

流洪輝有其二

孫曰論語三分天下有其二以服事殷

翼餘隋

斯臬鷺

孫曰斯說文云斬也臬鷺惡鳥以喻叛臣童曰前漢郊祀志古天子春祠黃帝用一臬破鏡臬

鳥名食母破鏡獸名食父黃帝欲絕其類使百吏祠皆用之破鏡如驅而虎眼漢五月五日作臬葉以賜百官

鷺不祥鳥也白身赤口。斯側略切臬古堯切鷺五高切

連熊螭枯以肉勅者羸

勅音

勤羸倫為切

后土蕩

蕩平也

玄穹彌合之育莽然施惟德輔

補註

書皇天無親  
惟德是輔

慶無期

右晉陽武二十六句

句三  
字

唐既受命李密自敗來歸以開黎陽斥東土為獸  
之窮第二

韓曰李密遠東襄平人隋末楊玄感起兵黎陽  
密往從之不見用玄感敗密潛歸以策干東都  
賊翟讓讓推密為謀主號魏公移檄州縣列場  
帝十罪天下震動義寧元年隋遣王世充選卒  
十萬擊密唐武德元年密失利遂與其眾二萬  
人歸關中既至高祖拜光祿卿封邢國公後禮  
寢薄密意不平未幾高祖遣密詣山東收其餘  
眾適復有詔召密密懼遂謀叛據姚林城熊州

副將盛彥師擊斬之傳首長安。一本題云李密自邙山之敗其下皆貳伯王之業。知天授在唐。

遂歸於有道亭我爵命為獸之窮

獸之窮奔大麓

孫曰麓山足書納于大麓以獸喻密故云奔大麓也。麓音鹿。

天厚黃

德狙獷服

孫曰唐以土德代隋故云黃德。韓曰揚雄劇秦美新肉角之獸狙獷而不臻。註狙獷犬嚙

人者也。狙七余切獷古孟切。

甲之橐弓弭矢箛

孫曰橐所以藏弓之器詩云載橐弓矢是

也。弭止也。箛矢房所以藏矢。○橐音羔。弭縣婢切。箛音服。

皇旅靖敵逾感自亡其徒

匪予戮屈贊猛

孫曰贊猛獸音猷。韓曰按唐韻集韻官韻並無贊字或謂當作弑音暴。強侵也。

周禮有虞慄慄

栗縻以尺組噉以秩

孫曰此謂密至長安以為光祿卿邢

國公廉忙皮切嗽  
杜覽切與唱同

黎之陽土茫茫富兵戎盈倉箱乏者

德莫能享

音香協韻  
義同去聲

驅豺兕授我疆

右獸之窮二十二句

其十八句句三字  
其四句句四字

太宗師討王克建德助逆師奮擊武牢下擒之

遂降克為戰武牢第三

韓曰唐武德元年煬帝凶問至東都王世充等  
奉越王侗即皇帝位侗封世充鄭國公二年世  
充脅越王侗求禪遂僭位改元國號鄭三年七  
月高祖詔秦王世民督諸軍討世充先是竇建  
德為越王侗所封為夏王與世充結讐四年三  
月建德悉起兵救世充五月世民大破建德之

衆於武牢執之王世充舉東都降河東平童曰  
王充即王世充也避太宗諱故去世字餘倣此

戰武牢動河朔

孫曰河朔謂建德所據之地

逆之助圖倚角

童曰左傳襄十

四年譬如捕鹿晉人角之諸戎倚之註倚踞其足也韓  
曰三國志吳陸遜攻蜀曰倚角此寇正在今日○倚居

綺怒轂麋

童曰轂鳥子生須哺者麋鹿子孫曰轂麋以喻世充建德也○轂古侯切諸本作驚音丘

候切義同麋字音莫兮切

抗喬嶽

孫曰喬嶽大山

翹萌芽

翹舉也

傲霜電王謀

內定申掌握鋪施芟夷二主縛憚華戎廓封略命之曹

孫曰命謂天命曹不明也母亘切又蒙薨夢三音

卑以斲

斲斬也音斲

歸有德唯先

覺

右戰武牢十八句

其十六句句三字  
其二句句四字

薛舉據涇以死子仁杲尤勇以暴師平之為涇水

黃第四

韓曰薛舉隋末起兵隴西自號西秦霸王唐武德元年寇涇州敗唐兵八月謀取長安會有疾死子仁杲立復圍涇州十一月秦王至高城仁杲使宗羅睢將兵來拒秦王遣將擊之於淺水原羅睢軍大潰秦王乃親率驍騎據涇水臨之仁杲遂降十二月歸斬於長安市

涇水黃

孫曰漢地理志涇水出安定郡涇陽縣開頭山東南至陵陽入渭詩云涇以渭濁故云涇水黃

也隴野茫

孫曰舉盡有隴西之地茫茫大也

負太白騰天狼

韓曰太白天狼皆星

名天官書曰秦之疆侯在太白占於狼弧蓋太白當秦疆而淫隴即秦地故云又天狼妖星以喻貪殘楚辭舉

長矢兮射天狼有鳥驚立驚音至羽翼張鈎喙決前喙口也鉅躍許穢切

傍張曰鉅足距躍跳也音惕鉅一作距怒飛飢嘯羆不可當羆小飛貌老

雄死子復良孫曰舉卒仁景僭稱帝巢岐飲渭肆翱翔孫曰岐岐山渭水

○翔牛刀頓地絃補註絃八絃也選云設天網以該之頓八絃以掩之提天網列

缺掉幟韓曰列缺電名選云霹靂列缺孫曰陵陽子明經曰列缺氣去地二千四百里列缺掉幟言其

旗幟飛動如列缺招搖耀鉞韓曰招搖星名晉志招搖主胡兵孫曰禮記招搖在

也。幟音尺志切上急繕其怒招搖北斗七星也北斗居四方宿之中以斗末從十二月建而指之則四方宿不差令軍行法之亦

作此北斗星在軍中舉之  
於上以正四方○銚音芒鬼神來助夢嘉祥腦塗原野

魄飛揚

孫曰謂斬仁果及其首帥等

星辰復恢一方

右涇水黃二十四句

其十五句句三字其九句句四字

輔氏憑江淮竟東海命將平之為奔鯨沛第五

韓曰輔氏輔公柘也隋季與杜伏威為盜轉掠淮南伏威號總管公柘為長史唐武德二年伏威遣使歸國詔授公柘淮南道行臺封舒國公六年伏威入朝公柘居守八月遂稱帝於丹陽國號宋修陳故宮室居之遣將侵海州寇壽陽詔趙郡王孝恭及李靖黃君漢李世勣等討之七年三月公柘敗走野人執送孝恭孝恭斬之傳首京師



奔鯨沛盪海垠

盪操盪垠岸盪音蕩又他浪切垠魚巾切

吐霓翳日腥浮雲

帝怒下顧哀墊昏

童曰書下民昏墊○墊都念切

授以神柄推元臣

孫曰

此謂詔襄州道行臺僕射趙郡王孝恭等討公祐也

手援天矛截脩鱗

孫曰此謂孝恭大敗

公祐擒之也

披攘蒙霧

霧武賦切與霧同又茂夢二音

開海門地平水靜浮

天根義和顯耀

韓曰淮南子義和日御也

乘清氣赫炎溥暢融大鈞

右奔鯨沛十八句

其十句句三字其八句句四字

梁之餘保荆衡已平窮南越良將取之不以師為

芭枿第六

孫曰蕭銑後梁宣帝曾孫故曰梁之餘義寧元年十月自稱梁王二年僭稱皇帝西至三峽南盡交趾北拒漢水皆附屬勝兵至四十餘萬武德元年徙居江陵四年九月高祖詔發巴蜀兵以趙郡王孝恭李靖統十二總管討銑十月銑出降送長安斬於都市南方郡縣聞之皆望風款附說文耕伐木餘也牙葛切

芑枿黠矣

韓曰官韻唐韻集韻玉篇並無黠字疑作

惟

黠傳寫者誤書日為黑耳黠音隊茂也

根之蟠彌巴蔽荆

補註荆即江陵銑所居地

負南極以安曰我舊梁

氏

冒同音

緝綏艱難江漢之阻都邑固以兒

完音

聖人作神

武用有臣勇智奮不以衆投跡死地謀猷縱化敵為家

慮則中浩浩海裔不威而同係縲降王定厥功

韓曰孟子係縲

其子弟註係縲猶結縛也謂孝恭送

澶漫萬里

童曰澶漫大水

貌杜詩澶漫山東二百州謂散遠也。澶音憚漫謨官莫半二切

宣唐風蠻夷九譯咸

來從

童曰傳四方之言曰繹音亦

凱旋金奏像形容

韓曰趙王孝恭傳銑降帝悅遷

孝恭荊州大總管詔圖破銑狀以進

震赫萬國罔不龔

音恭義同通用

右苞拊二十八句

其十六句句四字其三句句五字其九句句三字

李軌保河右師臨之不克變或執以降為河右平

第七

孫曰軌字處則武威姑臧人義寧元年七月自稱河西大梁王盡有河西五郡之地唐武德元年高祖與書招撫之冊拜為梁州總管封梁王二年軌奉書稱皇從弟大涼皇帝臣軌而不受官爵高祖怒始議討之五月軌將安興貴執軌以聞河西悉平

河右澶漫

澶漫見上註

頑為之魁王師如雷震崑崙以頽

韓曰

崑崙山名在梁地崑音昆崙盧昆切頽徒回切

上聾下聽驚不可迴

韓曰軌將安興貴仕

長安表請說軌遣之興貴至武威助讎抗有德惟人之乘間說軌令舉河西以歸唐不聽

災乃潰乃奮執縛歸厥命

補註即謂安興貴執軌以聞也

萬室蒙其仁

一夫則病濡以鴻澤

濡濡需

皇之聖威畏德懷功以定順

之于理物咸遂厥性

右河右平十八句

其十一句句四字其五句句五字其二句句三字

突厥之大古外域莫強焉師大破之降其國告於廟為鐵山碑第八

孫曰突厥古匈奴北部隋大業中始畢可汗立其族強盛高祖起義兵遣劉文靜聘始畢引以為援遣兵從平京城自後恃功驕踞唐武德二年又立突利可汗頡利突利承父兄之資尤有憑陵中國之意九年入寇便橋太宗親與盟於渭上未幾復寇貞觀三年太宗詔李靖李勣六總管師凡十餘萬討之十二月突利率所部來奔四年正月靖進屯惡陽嶺夜襲定襄破之頡

利懼竄鐵山靖乘間襲擊遂大破滅其國頡利  
出奔張寶相生擒之復定襄安帝之地斥地界

自陰山北至大

漠厥九勿切

鐵山碎大漠舒二虜勁

孫曰二虜頡利突利二可汗也

連穹廬背北海

專坤隅歲來侵邊或傳于都

傳音附

天子命元帥奮其雄

圖破定襄降魁渠

孫曰靖襲定襄破之頡利所親康蘇密來降

窮竟窟宅斥

余吾

孫曰斥開也余吾匈奴地名韓曰前漢武帝紀馬生余吾水中應劭註云在朔方北也斥一作并

百蠻破膽邊氓蘇威武燁耀明鬼區

補註燁耀也左氏燁之以薪鬼區遠夷

○燁善

加一作輝利澤瀾萬祀功不可踰官臣拜手

補註左氏官臣偃蹇

先後之註官  
臣守官之臣  
惟帝之墓

右鐵山碑二十二句

其十一句句三字其九句  
句四字其二句句五字

劉武周敗裴寂咸有晉地太宗滅之為靖本邦第

九

韓曰唐武德二年劉武周率兵侵并州又進寇  
介州陷之五月高祖遣李文仲討之一軍全沒  
六月右僕射裴寂請自行進討七月又為其將  
宋金剛所敗武周進逼并州遂據太原遣金剛  
進攻晉州六日城陷太宗表請益兵往擊之三  
年四月敗金剛於雀兒谷又破武周於洺州武  
周及金剛奔突厥太宗  
進并州遂復故地

本邦伊晉惟時不靖根柢之搖

柢木根典禮切張曰漢書音蒂

枝葉攸

病守臣不任

孫曰謂裴寂為晉州道行軍總管與武周戰敗績

勦于神聖

孫曰勦勞

也謂勞太宗自平之也勦羊至切又音曳

惟鉞之興翦焉則定洪惟我理

洪

作式和以敬羣頑既夷庶績咸正皇謩載大惟人之慶

右靖本邦十四句

句四字

李靖滅吐谷渾西海上為吐谷渾第十

韓曰舊史李靖傳貞觀初吐谷渾寇邊太宗以靖為西海道大總管統諸道兵征之大破其國吐谷渾之衆殺其可汗來降孫曰貞觀九年五月靖平吐谷渾於西海之上獲其王慕容伏允



渾音魂嚴曰吐谷渾居甘松山之南洮水之西  
隋時其王慕容伏允寇邊煬帝敗之太宗時屢  
入寇然伏允老不能事其相天柱王用事貞觀  
九年詔李靖為西海道行軍大總管與侯君集  
等擊之伏允謀入磧靖等  
決策深入破之栢海上

吐谷渾盛強背西海以夸歲侵擾我疆退匿險且遐帝

謂神武師往征靖皇家烈烈旆其旗

補註詩武王載旆有虔秉鉞如火烈

烈熊虎雜龍蛇

孫曰周禮交龍為旂熊虎為旗鳥隼為旟龜蛇為旐

王旅千萬人

銜枚默無譁

韓曰漢書章邯夜銜枚擊項梁顏師古註銜枚者止言語謹竄欲令敵人不知其來

也周官有銜枚氏枚狀如箸橫銜之繮繫於項繮束刃者結礙也紮者繞也蓋為結紐而繞項也譁音華

踰山傲

古亮切又音叶境也

張翼縱漠沙一舉平寇亂尸骸積如

麻除惡務本根

補註左傳隱六年善為國家者見惡如農夫之務去草焉芟夷蕪崇之絕其本

根勿使能植

況敢遺萌芽洋洋西海水威命窮天涯係虜來

王都

見題註

搞樂窮休嘉

搞口到切

登高望還師竟野如春華

竟一作競

行者靡不歸親戚謹要遮

韓曰揚雄傳淫淫與前後要遮○要伊消切

凱旋獻清廟萬國思無邪

右吐谷渾二十六句

句五字

李靖滅高昌為高昌第十一

韓曰高昌地在京師西四千八百里唐武德二年麴文雅自立為王貞觀四年文雅入朝久之與西突厥通遂踈朝貢之禮十三年命吏部尚書侯君集為交河道大總管率薛萬鈞等擊之十四年文雅死子智盛立王師進逼其都智盛乃降以其地為西州據新舊史高昌傳及李靖傳皆不見靖滅高昌事而公題云靖滅高昌無所考焉

麴氏雄西北別絕臣外區

補註別異也外區謂西突厥別筆列切

既恃遠

且險縱傲不我虞烈烈王者師熊螭以為徒

螭抽知切

龍旂

翻海浪

龍旂見前篇註

駟騎馳坤隅

韓曰說文駟驛傳也音日

賁育搏嬰兒

童曰孟賁夏育皆衛人有勇力者其唐兵滅高昌如賁育之搏嬰兒。賁音奔

一掃不復餘平

沙際天極但見黃雲驅臣靖執長纓

補註漢終軍自請願受長纓必羈南

越王而致之闕下本傳

智勇伏囚拘

韓曰漢賈誼傳窘若囚拘

文皇南面坐夷

狄千羣趨咸稱天子神往古不得俱獻號天可汗

貞觀

四年滅突厥四夷君長詣闕請帝為天可汗帝曰我為大唐天子又下行可汗事乎羣臣及四夷皆稱萬歲是後以豐書賜西北君長皆稱天可汗。汗音寒

以覆我國都兵戍不交害

成一作戎

各保性與軀

右高昌二十二句

句五字

既克東蠻羣臣請圖蠻夷狀如周書王會為東

## 蠻第十二

韓曰唐東謝蠻在黔州西數百里貞觀三年其酋長謝元琛入朝冠烏熊皮冠以金銀絡額身被毛帔韋皮行膝而著履中書侍郎顏師古因奏言周武王時遠國歸款周史乃集其事為王會篇今萬國來朝至如此輩章服實可圖寫今請撰為王會圖詔從之以其地為應州仍拜元琛為刺史補註諱賓錄云顏師古奏言乃命尚書閭立本圖之

東蠻有謝氏冠帶理海中自言我異世雖聖莫能通王

卒如飛翰

孫曰翰毛也詩如飛如翰侯肝切又音寒

鵬鵠駭羣龍

韓曰鵬鳥也鵠飛貌

鵬音朋

輶然自天墜

補註漢書周亞夫東擊吳楚趙涉遮說曰將軍何不從此右去走藍

田出武關抵洛陽直入武庫擊鳴鼓諸侯聞之以為將軍從天而下也此用其意○轟呼宏切車聲也乃

信神武功繫虜君臣人累累來自東追切無思不服從

唐業如山崇百辟拜稽首咸願圖形容如周王會書

汲冢周書第五十九篇名王會其圖天子南面立唐叔

荀叔周公在左太公望在右內臺西面者正北方應

侯曹叔伯舅比服次之要服次之荒服又次之是皆朝於內者永永傳無窮睢盱萬狀

[illegible][illegible]

盱盱註視不明貌隹音雖盱凶于切 咍盟九謹重 盱

咿 唄 九 譯 重

嗚呼

言不明也韓曰前漢越裳氏重譯獻白雉張衡東京賦重舌之人九譯僉稽首而來王九譯者謂譯語度九重

重舌之人九譯僉稽首而來王九譯者謂譯語度九重

之國乃至於此也。  
 音伊盟乙骨切。  
 廣輪撫四海。  
 孫曰周禮大司徒周知九州之地域廣輪。

咍音伊盟乙骨切

廣輪撫四海

知九州之地域廣輪

之數馬融云東西為浩浩知皇風歌詩饒鼓間以壯我  
廣南北為輪輪從也

元戎

右東蠻二十二句

句五  
字

貞符

并序

韓曰按序云臣為尚書郎時嘗著貞符公為尚  
書禮部員外郎在永貞元年貞符蓋是時作然  
是年冬公繼貶永州司馬而序又云臣所貶州  
吳武陵為臣言董仲舒對三代受命之符則序  
蓋在永州作補註宋景文筆錄云柳子厚貞符  
褚說雖模寫前人體式然自有新意可謂文矣

負罪臣宗元

一無負  
罪二字

惶恐言臣所貶州流人吳武陵

韓曰

諸本流人上有量移二字考之史傳止云坐事流永州胥山沈晦曰宜如唐書去量移字為臣言董

仲舒對三代受命之符

孫曰董仲舒策曰天之所大奉使之王者必有非人力所能致

而自至者此受命之符也天下之人同心歸之若歸父母故天瑞應誠而至書曰白魚入于王舟有火入于王屋流為烏此蓋受命之符也誠然非耶臣曰非也何獨仲舒爾自司

馬相如劉向揚雄班彪彪子固皆沿襲嗤嗤

充之切

推古

瑞物以配受命

韓曰司馬相如封禪文劉向洪範五行傳揚雄劇秦美新班彪王命論班固典

引皆言符瑞之應

其言類淫巫瞽史誑亂後代

誑古况切

不足以知

聖人立極之本顯至德揚大功

一作公

甚失厥趣臣為尚



書郎時嘗著貞符言唐家正德受命於生人之意累積

厚久宜享年無極之義

一無年字

本末閎闊會貶逐中輟

不克備究武陵即叩頭邀臣此大事不宜以辱故休缺

傾雪

切使聖王之典不立無以抑詭類拔正道表覈萬代

孫曰

表覈猶表正也

臣不勝奮激即具為書念終泯沒蠻夷不聞於

時獨不為也苟一明大道施於人世死無所憾用是自

決臣宗元稽首拜手以聞曰

孰稱古初朴蒙空洞而無爭

孫曰揚子天降生民空侗顯蒙空侗無知貌

厥

流以訛

孫曰流謂末流化謬也

越乃奮發鬪怒振動專肆為淫威

重曰書敘據矯虔敘古奇字一作擊沈晦曰諸本作振動靜專唐書無靜字今以唐書為據

曰是不

知道惟人之初總總而生林林而羣雪霜風雨雷電暴

其外於是乃知架巢空穴挽草木取皮草飢渴牝牡之

欲毆其內於是乃知噬禽獸咀果穀

噬音誓咀在呂切

合偶而

居交焉而爭睽焉而鬪力大者搏齒利者齧

齧音噬也倪結切

爪

剛者決羣衆者軋

乙點切

兵良者殺披披藉藉草野塗血

然後強有力者出而治之往往為曹於險阻用號令起

而君臣什伍之法立

孫曰什伍謂兵法也五人為伍十人為什

德紹者嗣道

怠者奪於是有聖人焉曰黃帝遊其兵車

一無遊字

交貫乎

其內一統類齊制量

孫曰制量謂法制度量也

然猶大公之道不克

建於是有聖人焉曰堯置州牧四岳持而綱之立有德

有功有能者叅而維之運臂率指屈伸把握莫不統率

堯年老

一無堯字

舉聖人而禪焉大公乃克建由是觀之厥

初罔匪極亂而後稍可為也

一有而字

非德不樹故仲尼叙

書於堯曰克明峻德於舜曰濬哲文明於禹曰文命祗

承于帝於湯曰克寬克仁彰信兆民於武王曰有道曾

孫稽揆典誓貞哉惟茲德實受命之符以奠永祀後之

妖淫噐昏

童曰左傳口不道忠信之言為噐。噐魚中切諸本作噐非是

好怪之徒乃

始陳大電

童曰河圖云少典妃附寶見大電光繞北斗樞星照耀郊野附寶意感而孕生黃帝於壽

丘孫曰帝王世紀大電光繞北斗樞星附寶感而懷孕二十四月生黃帝

大虹

孫曰世紀又云舜母握登

見大虹意感而生舜韓曰瑤光如虹貫月感女樞而生顯頊大星如虹流華渚而女節生少昊見沈約宋書。

虹胡

玄鳥

童曰詩商頌天命玄鳥降而生商註云玄鳥也湯之先祖有娥氏女簡狄配高辛氏生

契箋云鳥遺卵簡狄吞之而生契孫曰史記帝嚳少妃簡狄以春分祀高禘而玄鳥遺其卵簡狄吞之孕而生

界巨跡

孫曰史記又云帝嘗元妃姜嫄見大人跡履之

焉

感而生稷童曰詩生民履帝武敏歆箋云高辛

初郊禘之時有大神之跡姜嫄履之而生棄

白狼

童曰帝王世紀曰有神牽白狼銜鉤入殷朝孫曰尚

書璇璣鈴曰湯受金符帝錄

白魚流火之烏

韓曰武王伐紂渡河

白狼銜鉤入殷朝○狼音郎

中流白魚躍入王舟中武王俯取以祭既渡有大自上

復于下至于王屋流為鳥其色赤其聲魄云童曰董仲

舒策引書白魚入于王舟註謂今文尚書泰誓之辭謂

武王伐紂時有此瑞也前漢郊祀志曰周得火德有赤

鳥之符註引尚書中候曰有火自天

止于王屋流為赤鳥五至以穀俱來以為符斯皆詭譎

閭誕

詭古委切譎古穴切

其可羞也而莫知本于厥貞漢用大度

補註漢書高

紀常有度克懷于有氓登能庸賢濯瘼煦寒

瘼音夷煦吁句

切以瘳以熙茲其為符也而其妄臣乃下取虺蛇虺許律切

上引天光

孫曰史記高帝被酒夜徑澤中有白蛇當道高帝拔劍斬之後人來至蛇所有一老嫗哭

曰吾子白帝子化為蛇當道今為赤帝子斬之又曰高帝入關五星聚于東井韓曰班彪王命論曰初劉媪娠高祖而夢與神遇震電晦明有龍蛇之怪是以王武感物而折券呂公觀形而進女秦皇東遊以壓其氣呂后望雲而知所處始受命則白蛇分西入關則五星聚故淮陰留侯謂之天授非人力也公意其指此乎推

類號休

號胡刀切下有號同

用夸誣于無知氓增以騶虞神鼎

孫曰元符

元年漢武行幸雍祠五時護白麟漢無騶虞當謂此白麟也元鼎四年六月得寶鼎汾陰后土祠旁童曰騶虞仁獸也司馬相如封禪書曰圓騶虞之珍羣又曰般般之獸樂我君國白質黑章其儀可喜言時得此獸也元

鼎元年得寶鼎汾水上因是改元  
四年六月又得之。駒側鵠切

晉毆縱史

韓曰西漢  
衡山王傳

日夜縱史王謀反事註縱史  
勉強也。上子勇切下音勇

俾東之泰山石間

黃曰武  
帝太初

三年夏四月還修封泰山禮石間郊祀志云石間在泰  
山下趾南方方士言仙人間也故上親禪焉。間凌如

切作大號謂之封禪

童曰張晏曰封禪者天高而可冀  
近靈也。禪音擅古文作檀字

皆尚書所無有莽述承效

韓曰王莽承漢亦作符命公  
孫述效之亦妄引讖文而稱

帝孫曰莽傳前輝光謝鷺奏武功長孟通浚井得白石

上圓下方有丹書著石文曰告安漢公莽為皇帝符命

之起自此始矣述為益州牧有龍出其府殿中卒奮驚

復有光耀述以為符瑞因刻其掌文曰公孫帝

逆其後有賢帝曰光武克綏天下復承舊物猶崇赤伏

董曰漢書光武在長安時同舍生彊華自關中奉赤伏符曰  
劉秀發兵捕不道四夷雲集龍闕野四七之際火為主群臣  
奏曰受命之符人應為大光武  
因此崇尚符讖建武元年也  
以玷厥德魏晉而下尤亂鉤

裂厥符不貞邦用不靖亦罔克久駁乎無以議為也

積大亂至于隋氏環四海以為鼎跨九垓以為鑪

垓音根

銀鑪爨以毒燎

韓曰爨炊也燎放火也爨取亂切燎音了

煽以虐焰

韓曰煽熾也焰

火光也。煽音扇焰以賄切

其人沸湧灼爛號呼騰蹈莫有救止

於是大聖乃起玉降霖雨濬滌盪沃蒸為清氛踈為冷

風

冷音零

人乃溍然休然

董曰溍水清溍也音聊

相睎以生相持以



成相彌以寧琢斲屠剔

童曰琢丁角切疑作  
呂刑剔則琢斲字

膏流節離

之禍不作而人乃克完平舒愉尸其肌膚以達於夷塗

焚拆抵擠奔走轉死之害不起

死一作徙

而人乃克鳩類集

族歌舞悅懌用祇于元德徒奮袒呼擣迎義旅謹動六

合至于麾下

孫曰麾者  
大將之旗

大盜豪據阻命遏德義威殄戮

咸墜厥緒無劉于虐

韓曰盡  
殺曰劉

人乃並受休嘉去隋氏克

歸于唐躑躅謳歌

躑躅行不進貌上  
直炙切下除玉切

灝灝和寧

灝音

帝

庸威栗惟人之為敬奠厥賦

奠定也

積藏于下

補註韓詩  
外傳曰王

者藏於天下諸侯藏於百姓

是謂豐國鄉為義康斂發謹飭歲丁大

侵童曰五穀不熟謂之大侵

見穀梁傳襄公二十四年

人以有年簡于厥刑不殘

而懲是謂嚴威小屬而支

韓曰而若也不斷而支體也下而字同義○屬之欲切

大生而孳愷悌祇敬用底于治

一作理

凡其所欲不謁而

獲凡其所惡不祈而息四夷稽服不作兵革不竭貨力

丕揚于後嗣用垂于帝式十聖濟厥治

補註高祖太宗高宗中宗睿宗

玄宗肅宗代宗德宗順宗凡十帝是謂十聖治高宗諱恐作理字

孝仁平寬惟祖之則

澤久而逾深

逾一作愈

仁增而益高人之戴唐永永無窮是

故受命不于天于其人休符不于祥于其仁惟人之仁

匪祥于天匪祥于天茲惟貞符哉未有喪仁而久者也

未有恃祥而壽者也商之王以桑穀昌以雉雉大

韓曰商太

戊時有桑穀共生於朝一暮大拱伊陟曰妖不勝德太

戊修德桑穀死至高宗時祭成湯有飛雉升鼎耳而雉

高宗修政行德殷道遂復興孫曰桑穀見逸書

宋之君

咸又序雉雖見書高宗彤日雉鳴也古侯切

以法星壽

韓曰廣雅曰法星熒惑也宋景公三十七年

曰可移於相公曰相吾之股肱曰可移於民公曰君者

待民曰可移於歲公曰歲飢民困吾誰為君子韋曰天

高聽卑君有君人之言三熒惑疑有動於是候之果徙

三舍舍行七星

星

當一年故延二十一年景公在位六

元

五百家姓柳先生集

十四年而卒見史記宋世家補註榮感退舍又見呂氏春秋

鄭以龍衰

童曰魯昭公十九年鄭大

水龍闕于時

魯以麟弱

童曰哀公十四年春西狩獲麟

白雉亡漢

童曰漢平

帝元始元年春正月越裳

黃犀死莽

孫曰平帝元始二年黃支國獻犀牛

童曰王莽班符命總說曰肇命於新都受瑞於黃支孟康曰獻生犀

惡在其為符也

惡音烏

不勝唐德之代光紹明濬深鴻厓大保人斯無疆宜薦

于郊廟文之雅詩祇告于德之休帝曰謏哉

謏時任切亦作忱

乃黜休祥之奏究貞符之奧思德之所未大求仁之所

未備以極于邦治以敬于人事其詩曰

於穆敬德

韓曰於歎辭穆美也詩於穆清廟於音烏一作穆穆敬德

黎人皇之

孫曰言唐

有敬德黎民歸之也

惟貞厥符浩浩將之

將助也

仁函于膚刃莫畢

屠澤燭于爨

燭火乾也音罕又音漢一作寒

灋炎以灋

韓曰灋涸也灋方味

切音緩

殄厥凶德乃毆乃夷懿其休風是煦是吹

煦吁切父

子熙熙相寧以嬉賦徽而藏

孫曰孟子周人百畝而徽徽謂什一之賦

厚我

糗糧

韓曰禮記五十異糧糗去久切又丘救切糧音張一本作糧

刑輕以清我肌靡

傷貽我子孫百代是康十聖嗣于治仁后之子子思孝

父易患于已

于一作丁

拱之戴之神具爾宜載揚于雅承天

之嘏

孫曰嘏福也張曰音假大也

天之誠神宜鑒于仁神之曷依宜

仁之歸

晏本仁作人字

濮公于北

晏本公作鉉字

祝栗于南

童曰前漢禮樂志房

中歌曰四極爰轅師古曰四極四方極遠之處也爾雅曰東至于泰遠西至于邠國南至于濮公北至于祝栗

謂之幅員西東

孫曰商頌幅員既長註云隕當作圓圓周也

祇一乃心祝唐

之紀後天罔墜祝皇之壽與地咸久曷徒祝之心誠篤

之神協人同

沈晦曰舊本作尸協今以唐史為據作神協

道以告之

告姑沃切俾

彌億萬年不震不危我代之延永永毗之仁增以崇曷

不爾思有號于天

號音豪

僉曰嗚呼咨爾皇靈無替歆符

黃唐曰古人之治以德為本而符瑞為報應後世之治不本於德而符瑞為虛文貞符之作有見於後世之虛文遂欲一舉而盡廢之豈古人所謂惟德動天作善降祥之意乎

### 眎民詩

韓曰此詩專以美房元齡杜如晦意有倣於大雅崧高烝民等詩

帝眎民情

帝上

匪幽匪明慘或在腹已如色聲亦無動

威亦無止力弗動弗止惟民之極帝懷民眎乃降明德

孫曰明德謂

乃生明翼

孫曰書庶明勵翼

明翼者何迺房迺杜

明德之主

惟房與杜實為民路迺定天子迺開萬國萬國既分迺

釋蠹民迺學與仕迺播與食

孫曰播謂播種書汝  
后稷播時百穀也

迺器

與用迺貨與通有作有遷無遷無作士實蕩蕩農實董

董工實蒙蒙賈實融融左右惟一出入惟同攝儀以引

以遵以肆

音曳

其風既流品物載休品物載休惟天子守

乃二公之久惟天子明乃二公之成惟百辟正乃二公

之令惟百辟穀

補註穀善也書凡  
厥正人既富方穀

乃二公之祿二公行

矣弗敢憂縱是獲憂共二公居矣弗敢泰止是獲泰已

既柔一德四夷是則四夷是則永懷不忒

孫曰忒差忒  
也詩其儀不



七

五百家註柳先生集卷一

欽定四庫全書

五百家註柳先生集卷二

賦

佩韋賦并序

童曰西門豹性急急故佩韋以自緩董安于性緩故佩弦以自急韋皮絕喻緩也絰弓弦喻急也事見韓非子補註黃曰佩服之說非以為觀美法象以成己也玉佩取其德玦佩取其斷觿佩取其解紛象環佩取其立義己所不足時觀其近思之亦可以長善而救失故曰佩衷之旗今子厚所行者枉道而自訟其訐直之名所稟者柔從而取象於坎熱之韋不亦以水濟水乎鳴

呼果有意於此物醜類則宜易以董安子之強  
韓曰據集有與呂溫書云自吾得友君子而後  
知中庸之門戶堦室此貞元末事也時公願學  
中庸見於文字者甚多賦亦當作於貞元二十  
年後與○韋  
音兩非切

柳子讀古書觀直道守節者即壯之

即一作則

蓋有激也恒

懼過而失中庸之義慕西門氏佩韋以戒

並見題註

故作是

賦其辭曰

邈予生此下都兮塊天質之慤醇

上苦角切下音淳

日月迭而

化升兮寤遁初而枉神

寤子鳩切枉一作柱

雕大素而生華兮

華猶

薄也生一作成

汨末流以喪真

汨古忽切

晞往躅而周章

孫曰晞慕也周

章不決免 慄倚伏其無垠

孫曰慄迷惑不明也老子禍兮福所倚福兮禍所伏垠垠堦也○情

牟孔切又母巨切

世既奪予之太和方眷授予以經常循聖人

之通途兮鬱縱史而不揚

縱史猶勉強也註見貞符縱子勇切史音勇

猶恚

力而究陳芳獲貞則于典章嫉時以奮節兮憫已以抑

志登嵩丘而垂目兮

嵩中岳也音息中切

瞰中區之疆理

瞰下視也苦濫

切音

橫萬里而極海兮頽風浩其四起恟驚怛而躑躅

兮

恟憂恐也躑躅行不進免恟許邛切音山躑直炙切躑除玉切

惡浮詐之相詭思貢

忠于明后兮振教導乎遐軌紛吾守此狂狷兮懼執競

而不柔

孫曰競強也詩執競武王

探先哲之奧謨兮

奧於到切

攀往烈之

洪休曰沈潛而剛克兮

補註書洪範曰沈潛剛克

固讜人之嘉猷

諫直

言也音黨

嗟行行而躋跼兮

集註行行剛強免論語子路行行如也躋跼也行行並下浪切

躋字音致踏蒲墨切

信徃古之所仇彼穹壤之廓殊兮寒與暑而

交修執中而俟命兮固仁聖之善謀吾祖士師之直道

兮亦愀然于伐國

韓曰論語柳下惠為士師三黜人曰子未可以去乎曰直道而事人焉往

而不三黜孫曰董仲舒傳魯君問柳下惠吾欲伐齊何如柳下惠曰不可歸而有憂色曰吾聞伐國不問仁人此

言何為至  
於我哉

尼父戮齊而誅卯兮本柔仁以作極

孫曰定十年穀

梁傳公會齊侯于頻谷孔子相馬齊人使優施舞於魯君之幕下孔子曰笑君者罪當死使司馬行法焉首足異門而出家語孔子為魯司冠七日而誅亂政大夫少正卯戮之于兩觀之下

藺竦顏以誚秦

兮入降廉猶臣僕

韓曰秦趙會于河外浞池秦王請趙王鼓瑟趙王鼓之藺相如復請秦王

鼓缶秦王不肯相如曰五步之內臣得以頸血濺大王矣左右欲刃相如相如張目叱之皆靡秦王為一擊缶趙王歸國以為上卿廉頗曰相如以口舌位居吾上必辱之相如聞之曰顧吾念之強秦不敢加兵於趙者徒以吾二人在也今兩虎共鬪其勢不俱生吾所以為此者先國家之急而後私讎也降謂下也

吉優縣

而布和兮殘崔蒲以屏匿

孫曰吉鄭子太叔游吉也左氏昭公二十年子太叔為政

不愚猛而寬鄭國多盜取人於萑苻之澤太叔悔  
興徒兵以攻之萑苻之盜少止萑音九苻即音蒲劇技

刃于霸侯兮退躬躬而畏服

韓曰劇曹沫也左氏穀梁作曹劇齊桓公與魯會于

柯而盟劇即匕首叔齊桓公左右莫敢動劇曰大國侵  
魯亦已甚矣今魯城壞即壓齊境君其圖之桓公乃許  
盡歸魯之侵地劇投其匕首下壇就其羣臣之位顏色  
不變辭令如故躬躬謹也博雅云謹敬之兒。劇居衛  
切躬丘六丘弓二寬與猛其相濟兮孰不頌茲之盛  
切又弓穹二音

德克明哲而保躬兮恢大雅之所勗

孫曰詩大雅云既明且哲以保其身

易勉也

易子玉切

陽宅身以執剛兮率易帥而蒙辜

孫曰文五年左氏陽

處父聘于衛遇甯甯嬴曰沉潛剛克高明柔克夫子一  
之其不沒乎六年晉蒐于夷使狐射姑將中軍趙盾佐



之陽處父至自溫改蒐于董易中軍狐射姑怨陽子之易其班也九月使續鞠居殺處父羽愎心以

盤志兮首身離而不懲

韓曰羽既敗垓下乃自刎而死王翳取其頭餘騎相蹂踐爭項

王相殺者數十人最其後郎中騎楊喜等五人各得其一體愎狠也盤戾也。愎誦逼切盤音戾

雲岳

岳而專強兮果黜志而乖圖

徐曰前漢朱雲傳五鹿岳岳朱雲折其角師古曰岳

岳長角貌成帝時雲嘗言於朝願賜尚方斬馬劍斷佞臣張禹上怒曰小臣居下訕上廷辱師傅罪死不赦御史將雲下雲攀殿上檻折呼曰臣得從龍達比于遊于地下足矣未知朝廷何如爾左將軍辛慶忌以死爭之上意始解自是遂不復仕

咸觸屏以拒訓兮肆殞越而就陵

韓曰前漢陳咸

其父萬年嘗病召咸教成于床下語至夜半咸搔頭觸屏風萬年怒咸謝曰具曉所言大要教咸諂也萬年遂

不復言萬年死元帝權為御史治許諫于昏朝兮名崩

弛而陷誅

韓曰左氏宣公九年陳靈公與孔寧儀行父通于夏姬皆衷其相服以戲于朝洩治諫曰

公卿宣淫民無效焉且聞不令君其納之公曰吾能改矣公告二子二子請殺之公弗禁遂殺洩治許告也。

許居列切苟縱直而不羈兮乃變罹而禍仍罹鄰知切歷九

折而直奔兮固摧轅而失途

韓曰漢王陽為益州刺史行部至邛崃九折坂嘆曰

吾奉先人遺體奈何數乘此險曰九折者言其險也遵大路而曲轍兮又求達而

不能廣守柔以允塞兮抵暴梁而壞節

韓曰梁冀鸞殺質帝李固胡廣

趙戒杜喬皆以清河王蒜宜立為嗣先是冀吾侯志聖冀妹冀欲立之衆論既異明日冀會公卿意氣凶凶言

辭激切胡廣趙戒皆畏憚曰惟大將軍令而固與喬堅  
守本議冀激怒竟立蠡吾侯是為桓帝遂枉害李固杜  
喬因臨命與胡廣趙戒書曰梁氏迷謬公等曲從受主  
厚祿顛而不扶傾覆大事後之良史豈有所私廣戒得  
書悲慙皆長嘆流涕廣即謂胡廣也家撫諷而溫美兮脅子公而喪哲

孫曰

宣四年左氏公子宋與子家謀試鄭靈公子家曰畜老猶  
憚殺之况君乎反諧子家子家懼而從之夏弑靈公撫  
與揮義師仁而惡狠兮遂潰騰而滅裂

孫曰義宋義韓曰翟義也為東

同郡太守王莽居攝義心惡之乃立東平王子信為天子  
自號大司馬舉兵討之莽遣將攻之義不勝與劉信棄  
軍庸亡捕得尸磔東都市夷滅三族斯委懦以從邪兮悼上蔡其何補  
韓曰李斯相秦為趙高所誣將腰斬咸陽市出獄謂其中子  
曰吾欲與若復牽黃犬出上蔡東門逐狡兔豈可得乎

徐偃柔以屏義兮脩邦離而身虜

韓曰張華博物志徐偃王治其國仁義著

聞諸侯服從周王使楚代之偃王仁不忍聞其民為楚所敗走彭城武原東山下

柔弘和而却

武兮渙宗覆而國舉

柔弘和一作柔柔知名字不同事不可得而考

設任柔而

自處兮蒙大戮而不悟

韓曰史記吳公子光伏甲士於宮室中而具酒請王僚酒酣公

子光佯為足疾入宮室使專設諸置匕首魚炙之腹中以進既至王前專設諸孽魚因以匕首刺王僚王僚立

死左右亦殺專設諸公子光遂出其伏甲以攻王僚之徒而自立為王任柔一本作仁柔故曰純柔

純弱兮必削必薄純剛純強兮必喪必亡韜義于中

韜音韜

叨服和于躬和以義宣剛以柔通守而不遷兮變而無

窮交得其宜兮乃獲其終姑佩茲韋兮考古齊同亂曰

孫曰亂理也所以重理一賦之意

韋之申申佩于躬兮本正生和探厥

中兮哲人交修樂有終兮庶寡其過追古風兮

追一作進

揚雄酒箴

晁太史云雄以諷成帝其文為酒客難法度士

子猶瓶矣觀瓶之居居井之眉處高臨深動常近危

酒醪不入口藏水滿懷不得左右牽於纆微一旦東

礪為甕所輜身提黃泉骨肉為泥自用如此不如鴟

夷鴟夷滑稽腹大如壺盡日盛酒人復借酤嘗為國

器託於屬車出入兩宮經營公家錄是言之酒何過乎

瓶賦

補註東坡云楊子雲酒箴有問無答子厚瓶賦蓋補亡耳子厚以瓶為智幾於信道知命者晁太史无咎取公此賦于變騷而系之以詞曰昔揚雄作酒箴謂鸕夷盛酒而瓶藏水酒甘以喻小人水淡以此君子故鸕夷以親近託車而甌以疎遠居井而羸此雄欲同塵於皆醉者之詞也故宗元復正論以反之以謂寧為瓶之潔以病已无為鸕夷之旨以愚人蓋更相明亦猶雄為反騷非反也合也今附酒箴于此篇首

昔有智人善學鵠夷

韓曰鵠夷字見史記越世家范蠡自號鵠夷子皮註云蓋以吳王殺

子胥而盛以鵠夷今蠡以有罪故為號也韋昭曰鵠夷羊裘也又蠡本傳註則云若盛酒之鵠夷用之則多所

容納則可卷而懷不忤於物

鵠夷蒙鴻蠡蠶相追

韓曰蠡樸也蠡缶也蠡音雷蠡音鶯

營字本當作鑿一本作聳聳亦樸名音假

諂誘吉士喜悅依隨開喙倒腹

喙口

也吁穢切

斟酌更持味不苦口昏至莫知頽然縱傲與亂為

期視白成黑顛倒妍媸

上倪堅切下音嗤

已雖自售

音壽

人或以

危敗衆亡國流連不歸誰主斯罪鵠夷之為不如為瓶

居井之眉

童曰前漢酒箴註云眉井邊也若人目上之有眉作漏字者非

鈎深挹潔

挹酌

也淡泊是師和齋五味

齊才

寧除渴飢不甘不壞久而

莫遺清白可鑒終不媚私利澤廣大孰能去之綆絕身

破

釋曰說文云綆井索也音梗

何足怨咨功成事遂復于土泥歸根

反初無慮無思何必巧曲傲覲一時

傲求也覲幸也傲古亮切覲音冀

子無我愚我智如斯

# 牛賦

韓曰公之瓶賦牛賦其辭皆有所託當是謫永  
州後感憤而作補註東坡云嶺外俗皆恬殺牛  
海南為甚乃書子厚牛賦遺瓊州  
僧道贊使曉諭之即書此賦也



若知牛乎牛之為物魁形巨首垂耳抱角毛草踈厚羣

然而鳴

孫曰說文  
年牛鳴

黃鍾滿脰

韓曰月令中央土律中黃  
鍾之宮黃鍾謂土也脰項

也

抵觸隆曦

音義

日耕百畝往來修直植乃禾黍自種自

斂服箱以走

孫曰詩晚彼牽牛不以服  
箱箱車上之器可以盛者

輸入官倉已不

適口富窮飽飢功用不有陷泥蹙塊常在草野人不慙

愧利滿天下皮角見用肩尻莫保

童曰說文云尻  
雅也。尻苦刀切

或穿

絨膝

上苦咸切  
下徒登切

或實俎豆由是觀之物無踰者不如羸

驢

羸倫  
為切

服逐駕馬曲意隨勢不擇處所不耕不駕藿菽

欽定四庫全書

王百篇詩林卷二

自與

養豆葉菽也養音霍

騰蹈康莊

韓曰康莊大道爾雅五達謂之康六達謂之莊

出

入輕舉喜則齊鼻怒則奮蹄當道長鳴聞者驚辟

辟避也童

曰項羽叱揚喜人馬俱驚辟易數里。辟頻亦切

善識門戶終身不惕牛雖有功

於已何益命有好醜非若能力慎勿怨尤以受多福

解崇賦 并序

童曰崇禍

也音窳

柳子既謫

韓曰公永貞元年為禮部員外郎以附叔文出為邵州十一月再貶永州司馬猶懼

不勝其口筮以玄遇干之八其贊曰赤舌燒城吐水于

瓶其測曰君子解崇也

韓曰太玄干以準易之升次八赤舌燒城吐水于瓶測曰赤舌

吐水君子以解崇也註赤舌謂九也兌為口舌八為木木生火火中之舌故赤也赤舌所敗若火燒城詩曰哲婦傾城口舌之由也金生水故吐水也水滅於火雖有傾城之言以水拒之災無由生矣喜而為之

賦

胡赫炎熏熇之烈火兮

熇炎氣也虛驕呼酷黑各三切

而生夫人之齒

牙上彈飛而莫遁

彈極也彈音單遁徒困切

旁窮走而逾加九泉焦

枯而四海滲涸兮

滲漉也涸竭也上所禁切下音鶴又胡故切

紛揮霍而妄

遮

韓曰揚雄傳淫淫與與前後要遮。要伊消切

風雷號咷以為索籥兮

孫曰老子

欽定四庫全書

五百家註柳先生集

九

天地之間其猶橐籥乎註云橐籥中空虛故能有聲。嘒呼交切又音號。橐音託籥音藥。回祿煽怒

而喊呀

韓曰回祿火神煽熾也喊呵也呀張口貌。煽音扇喊呼咸切又虎覽切呀虛牙切。炖堪

輿為甌鏃兮

童曰堪輿天地也炖風而火盛貌甌高屬鏃燒器也。炖他昆切甌語寒切又平聲

做鏃音

熱雲漢而成霞

張曰熱焚也春秋傳鄧林大椿不

足以充於燎兮

孫曰列子夸父逐日道死其杖化為鄧林鄧林廣數千里焉莊子上古有大椿

者以八千歲為春八千歲為秋一本無於字

倒扶桑落棠轆轤而相义

孫曰山海

經大荒之中暘谷上有扶桑十日所浴九日居下一日居上枝皆戴烏韓曰淮南子曰出於暘谷登於扶桑入於虞泉童曰轆轤廣大貌亦雜亂貌靈光殿賦云轆轤無垠廣大貌也東京賦云鉞戟轆轤又楚辭云騎轆轤

而雜亂兮雜亂  
貌也。轉音葛

膏搖脣而增熾兮焰掉舌而彌葩

韓曰掉舌

字見史記蘇秦掉三寸舌葩華也。葩披巴切

沃無瓶兮撲無筭

筭帚也。旋芮切又徐醉切

金流玉鑠兮

韓曰說文鑠銷金也宋玉招魂十日代出流金鑠石。鑠式灼切音鑠

曾不

自比於塵沙獨淒已而燠物愈騰沸而駁訶

童曰駁脚腰也訶大

駕也上苦交切下客牙切一本作駁訶

吾懼夫灼爛灰滅之為禍往搜乎

太玄之奧

孫曰太玄經之秘奧也

訟衆正訴羣邪曰去爾中躁與

外撓姑務清為室而靜為家苟能是則始也汝適今也

汝遐涼汝者進烈汝者賒譬之猶豁天淵而覆原燎

孫曰

書若火之燎于原不可嚮  
過。豁呼各切燎音了

夫何長喙之紛拏

長喙赤舌也。拏女加切

今汝不知清己之慮而惡人之譁不知靜之為勝而動

焉是嘉徒遑遑乎狂奔而西僚盛氣而長嗟

僚向也僚一本作素

不亦遼乎於是釋然自得以冷風濯熱

孫曰莊子列子御風而行冷然

善也詩誰能執熱逝不以濯

以清源滌瑕履仁之實去盜之夸

孫曰老子

是謂盜之夸非道也哉

冠太清之玄冕佩至道之瑤華

孫曰以太清為玄冕

以至道為瑤華也

鋪冲虛以為席駕恬泊以為車瀏乎以遊於

萬物者

瀏水清深貌力周切

始彼狙雌倏施而以崇為利者夫何

為耶

懲咎賦

韓曰唐書本傳載此賦曰宗元不得召內憫悼  
悔念往咎作賦自儆蓋為永州司馬時作也補  
註晁太史取此賦於續楚辭序曰宗元竄斥時  
嘔壘瘴間堙厄感鬱一寓於文為離騷數十篇  
懲咎者悔志也其言曰苟余齒之有懲兮臨前  
烈而不顧後之君子欲成人之美者讀而悲之

懲咎懲以本始兮孰非余心之所求處卑污以閱世兮  
固前志之為尤始余學而觀古兮怪今昔之異謀惟聰  
明為可考兮追駿步而遐遊潔誠之既信直兮仁友藹

而萃之日施陳以繫縻兮

韓曰騷云日康娛以自忘兮繫縻一本作擊摩

邀堯

舜與之為師上睢盱而混茫兮

韓曰揚雄曰天地未分睢盱盱睢盱荒忽不

可考信也。睢盱大規切盱音吁

下駁詭而懷私

駁一作駁

旁羅列以交貫兮

求大中之所宜曰道有象兮而無其形推變乘時兮與

志相迎不及則殆兮過則失貞謹守而中兮與時偕行

萬類芸芸兮

孫曰老子夫物芸芸各歸其根註芸芸華葉茂盛也

率由以寧剛柔

弛張兮出入綸經登能抑枉兮

登進也

白黑濁清蹈乎大

方兮物莫能嬰奉訏謨以植內兮

韓曰訏大也謨謀也詩訏謨定命訏音吁



欣余志之有獲再徵信乎策書兮謂炯然而不惑

炯一作耿

愚者果於自用兮惟懼夫誠之不一不顧慮以周圖兮

專茲道以為服讒妬構而不戒兮猶斷斷於所執哀吾

黨之不淑兮

孫曰吾黨謂王任叔文之屬也

遭任遇之卒迫

卒讀日碎

勢危

疑而多詐兮逢天地之否隔

孫曰天地否隔謂順宗有疾憲宗監國之際

欲

圖退而保己兮悼乖期乎曩昔欲操術以致忠兮衆呀

然而互嚇

韓曰嚇怒也又口拒人也莊子仰而視之曰嚇音赫又呼駕切呀虛牙切互字一本作予

進與退吾無歸兮甘脂潤乎鼎鑊

韓曰說文鑊鑊也音獲

幸皇鑒

之明宥兮繫郡印而南適

孫曰漢書印何累累綬何若若耶永貞元年九月公初貶

為邵州刺史

惟罪大而寵厚兮宜夫重仍乎禍譴

孫曰是年

十一月公再貶為永州司馬

既明懼乎天討兮又幽慄乎鬼責

韓曰莊子

無人非無鬼責

惶惶乎夜寤而晝駭兮類磨磨之不息

童曰磨磨也磨

說文云壯鹿也以夏至解角。麋俱倫切麋音加

凌洞庭之洋洋兮沂湘流之

汙汙飄風擊以揚波兮舟摧抑而迴遭日靈晻以昧幽

兮

童曰爾雅云風而雨土為靈釋名曰靈晦也詩終風註云陰而風曰晻。靈音埋晻音翳

黝雲涌

而上屯

韓曰黝青黑色屯聚也列子望之如雲屯。黝於糾切黝字一本作玄

暮肩宰以淫

雨兮

率雨聲  
蘇骨切

聽嗷嗷之哀援衆鳥萃而啾號兮沸洲渚

以連山漂遙逐其詎止兮逝莫屬余之形魂攢轡奔以

紆委兮

張曰小山上銳曰  
轡音鸞委于鬼切

束洶湧之崩湍畔尺進而尋

退兮盪洄汨乎淪漣

韓曰水平伏曰淪漣水  
動也。汨音骨又越筆切

際窮冬而

止居兮羈縶焚以縈纏

焚扶  
分切

哀吾生之孔艱兮循凱風

之悲詩

韓曰詩凱風  
美孝子也

罪通天而降酷兮不殛死而生為

孫曰元和九年公之  
母盧氏卒于永州

逾再歲之寒暑兮猶質質而自持

質質昏  
也音茂

將沈淵而隕命兮詎蔽罪以塞禍惟滅身而無

後兮顧前志猶未可進路呀以劃絕兮

劉忽麥切

退伏匿又

不果為孤囚以終世兮長拘攣而輶軻

坎可二音

曩余志之

修塞兮

韓曰楚辭汝何博塞而好修兮紛獨有此矯節又曰吾令塞修以為理註好修塞塞夸異之節

俗本作修塞誤

今何為此戾也夫豈貪食而盜名兮不混同於

世也將顯身以直遂兮衆之所宜蔽也不擇言以危肆

兮固羣禍之際也御長轅之無撓兮行九折之戕戕却

驚掉以橫江兮泝凌天之騰波幸余死之已緩兮完形

軀之既多苟余蓋之有懲兮臨前烈而不頗

韓曰楚辭修繩墨而

不顧。頗音坡死蠻夷固吾所分雖顯寵其焉加配大中以為

偶兮諒天命之謂何

### 閔生賦

韓曰賦云肆余目於湘流兮蓋在永州時作又云孟軻四十乃始持心兮云云顧余質愚而減齒兮云云當是四十以前也其諸元和五六年間作歟

閔吾生之險阨兮紛喪志以逢尤

韓曰騷云紛達尤以離謗氣沉鬱

以香眇兮涕浪浪而嘗流

孫曰騷云擗茹蕙以掩涕切需余襟之浪浪。浪音郎膏

液竭而枯居兮魄離散而遠遊言不信而莫余白兮雖

遑遑欲焉求合喙而隱志兮幽默以待盡為與世而斥

謬兮固離披以顛隕騏驥之棄辱兮

騏驥音期冀

駑駘以為

騁

駑駘音奴臺騁一作晒

玄虬蹶泥兮

孫曰虬龍無角者莊子曰蹶泥則沒足減跗。蹶音

厥虬渠幽切

畏避鼃黽

童曰鼃蝦蟆也黽亦鼃屬鼃與蛙同。鼃鳥亦切黽武幸切一本黽作蜃

行不容之崢嶸兮

崢嶸助耕切嶸音宏

質魁壘而無所隱

童曰前漢鮑宣

傳云朝廷亡有者父魁壘之士服虔

鱗介槁以橫陸兮

曰魁壘壯貌也。上口賄切下音磊

鷗鷖羣而厲吻心沉抑而不舒兮形低摧而自慙肆余目

於湘流兮望九疑之垠垠

韓曰湘水出零陵北入江零陵永州也九疑山名湘中記

云九山相似行者疑惑故云。根音銀嚴曰文韻云九  
疑山半在蒼梧半在零陵相傳以為舜所葬也其山九  
峯形勢相似故曰九疑波淫溢以不返兮蒼梧鬱其蜚雲蜚古重

華幽而野死兮世莫得其偽真

韓曰史記舜南巡狩崩於蒼梧之野葬于江南

九疑是為零陵山海經曰蒼梧山孫曰汲冢書禹逐舜終蒼梧之野

屈子之惆微兮抗危

辭以赴淵

韓曰屈原仕楚為上官大夫司馬子蘭所讒賦離騷九辯九章投汨羅而死。惆規緣切

古固有此極憤兮矧吾生之貌艱

貌音選一作眇

列往則以考

已兮指丰極以自陳登高岳而企踵兮

岳魚咸切

瞻故邦之

殷鑒

上音隱下音隣

山水浩以蔽虧兮路蕭勃以揚氛

蕭鳥孔切空

廬頹而不理兮翳丘木之榛榛

翳一

塊窮老以淪放兮

匪魑魅吾誰隣

韓曰史記舜流四凶族于四裔以禦魑魅。魑丑知切魅音寐。

仲尼之

不惑兮有垂訓之暮言

童曰論語孔子曰四十而不惑。

孟軻四十乃始

持心兮猶希勇于黜貴

童曰孟子我四十不動心。黜貴北宮黜孟貴也。見公孫丑上。

黜伊糾切貴音奔

顧余質愚而齒減兮

孫曰貞元七年公年始四十時猶未也。

宜

觸禍以沾身

韓曰沾危也。楚辭沾余身而危死。節分覽余初其猶未悔。沾音鹽。

知徙善

而草非兮又何懼乎今之人噫禹績之勤備兮曾莫理

夫茲川

韓曰上文皆言湘中事。茲川意謂湘江也。湘水禹貢不經見此公所謂曾莫理夫茲川也耶。



殷周之廓大兮南不盡夫衡山

韓曰衡山南岳也見周禮職方氏矣公謂殷周

不盡未之詳也孫曰王制南不盡衡山北不盡恒山

余因楚越之交極兮邈離絕

乎中原壤汙潦以墳如兮

潦魯皓郎到二切如如倨切

蒸沸熱而恒

昏戲鳬鸛乎中庭兮

鸛音灌

兼葭生於堂筵雄虺當形

於木杪兮短狐伺景於深淵

樊曰楚辭雄虺九首註虺蛇別名也毛詩為鬼為蜮陸

機疏蜮一名射影南人將入水先以瓦石投水令濁然

後入又博物志江南山有射工蟲長一二寸口中有弩

形射人影不治則殺人短狐伺景謂

此虺也。虺許偉切孤字一作孤仰矜危而俯慄兮

弭日夜之拳孥慮吾生之莫保兮忝代德之元醇孰眇

軀之敢愛兮竊有繼乎古先明神之不欺余兮庶激烈而有聞冀後害之無辱兮匪徒益乎曩愆

夢歸賦

重曰公在永州懷思鄉閭而作也

羅擯斥以窘束兮余惟夢之為歸精氣注以凝洎兮

水洎

凝也張曰莊子曰河漢洎而不能寒。洎音互循舊鄉而顧懷夕余寐于荒陬

兮心慄慄而莫違

慄恨也音苦葺切

質舒解以自恣兮息惛翳

而愈微

惛安和貌伊淫切

歛騰踴而上浮兮

張曰歛暴起也說文云有所吹起諸

韻檢尋無從三火者杜子美虎牙行秋風歔吸吹南國  
文選江淹詩歔吸鷗鷯悲諸家多用從二火字莊子釋  
音第一卷朝菌註下云歔生芝也後漢張平子思立賦  
歔神化而蟬蛻兮並作況物許勿二切云疾兒惟二字  
從三火今 俄泥濇之無依 泥濇深廣兒上力  
從上音 廣切下余掌切 圓方混而

不形兮顥醇白之霏霏

韓曰顥白兒楚詞天白顥顥又云雲霏霏而承宇顥音昊同

上茫茫而無星辰兮下不見夫水陸

水一作川若有鉢余以

往路兮

孫曰鉢導也張曰鉢綦鉢也音迷晏本作鉢誘言也音恤

馭擬擬以回復相擬

疑也音擬

浮雲縱以直度兮云濟余乎西北風纚纚以經耳

兮

韓曰纚纚車也楚詞索胡繩之纚纚孫曰纚纚風聲也纚音濯

類行舟迅而不息洞

欽定四庫全書

五百五十五卷

然于以瀾漫兮

瀾漫大水兒上音彌下謨官切以字一本重作于字

虹蜺羅列而

傾側橫衝颺以盪擊兮

颺早遙切盪音蕩又他浪切

忽中斷而迷惑

靈幽漠以滯汨兮

滯汨水流兒上音節下越筆切靈字一本作零兩二字

進怡悵

而不得

怡敕喬切

白日邈其中出兮陰霾披離以泮釋

童曰霾風

雨土也音埋

施岳瀆以定位兮手參差之白黑忽崩騫上下

兮

晏本作崩騫翔以上下以徊徨兮

聊按行而自抑

行一指故都以委作衍

墜兮瞰鄉閭之脩直

瞰苦浪切

原田蕪穢兮崢嶸榛棘喬木

摧解兮垣廬不飾

韓曰公與許孟容書云先墓在城南無異子弟為主自譴逐來消息存亡

不一至鄉間又云城西有數頃田樹果百株多先人手  
自封殖今已荒穢恐便斬伐有哀憤毀傷之意與此賦

同山嵎嵎以巖立兮

嵎山高  
兒音虞

水汨汨以漂激

汨音骨又  
越筆切

魂恍惘若有亡兮

恍恍惘也音  
恍惘音罔

涕汪浪以隕軾

浪音郎

類

矐黃之黥漢兮

韓曰楚詞與矐黃以為期註矐  
黃蓋昏時黥果實黑壞兒音掩

欲周流

而無所極紛若喜而怡儼兮

張曰馬融笛賦云怡儼寬  
客上勅吏切下音毅韻音

擬心回互以壅塞

互音戶俗作互一  
本又作肝音支

鐘鼓喤以戒旦兮

喤音

陶去幽而開寤曾尉蒙其復體兮

童曰曾尉魚網  
也音曾雙復字

一本  
作後孰云桎梏之不固

桎手械梏足械上  
音質下姑沃切

精誠之不可

再兮余無蹈夫歸路偉仲尼之聖德兮謂九夷之可居

韓曰論語子欲居九夷或曰陋子曰君子居之何陋之有居叶韻作去聲惟道大而無所入

兮猶流游乎曠野老聃適而適我兮指淳茫以縱步韓曰

史記老聃見周衰遂去至闕闕令尹喜曰子將隱矣強為我著書迺著書五千餘言而去又神仙傳老子將去周而出闕以升崑崙闕令尹喜掃門道見老子老子以長生之事教之蒙莊之慨怪兮寓

大鵬之遠去韓曰莊子蒙人逍遙遊篇云北溟有魚其

則徙于南溟一本苟遠適之若茲兮胡為故國之為慕作寓大算而遠去

首丘之仁類兮斯君子之所譽孫曰禮記狐死鳥獸之

正丘首仁也

鳴號兮有動心而曲顧

孫曰禮記鳥獸喪其羣匹越月踰時則必返巡過其故鄉翔鳴

焉鳴號焉然後乃能去之

膠余衷之莫能捨兮雖判析而不悟列茲

夢以三復兮極明昏而告慙

### 囚山賦

孫曰永貞元年公謫居永州元和九年有此賦補注是太史無咎序公此賦于變騷曰語云仁

者樂山自昔達人有以朝市為樊籠者矣未聞以山林為樊籠也宗元謫南海久厭山不可得而出懷朝市不可得而復丘壑草木之可愛者皆陷穽也故賦囚山淮南小山之辭亦言山中不可以久留以謂賢人遠伏非所宜爾何至以幽獨為狴牢不可一日居哉然終其意近招隱

故錄之

楚越之郊環萬山兮勢騰踊夫波濤紛對迴合仰伏以

離迥兮

迥遮也音列又音例一本無對字

若重墉之相褒爭生角逐上

軼旁出兮

張曰軼字迭佚二音

其下坼裂而為壕

壕壑也音豪

欣下頽

以就順兮曾不畝平而又高沓雲雨而漬厚土兮

張曰畝合

也漬漚物也沓達合切漬疾智切

蒸鬱勃其腥臊

張曰周禮辨腥臊羶香之不可食者。腥

音星臊蘇曹切

陽不舒以擁隔兮羣陰汙而為曹

韓曰汙固寒也西京賦潤

陰沍寒曹偶也。沍胡故切與沍同俗作汙

側耕危穫苟以食兮哀斯民之



增勞

斯民一作小人

攢林麓以為叢棘兮

韓曰山足曰麓易冥于叢棘疏云叢棘謂

囚執之處以棘叢而禁之也。麓音鹿。

虎豹咆嘯代狴牢之吠噪

孫曰咆嘯虎豹

聲博物志云狴獄別名嚙亦咆也。咆音庖。嘯虎檻切狴音陸。嚙音豪。

胡井督以管視兮

集註督目無明也又廢井也左氏宣十二年目于督井而拯註視虛廢井而求拯已東方朔傳以管窺天。督

音驚一本胡字上有予字督又作頌

窮坎險其焉逃顧幽昧之罪加兮雖

聖猶病夫嗷嗷匪兕吾為桎兮

韓曰兕似牛一角論語虎兕出於桎註云桎檻

也

匪豕吾為牢

孫曰詩執豕于牢

積十年莫吾省者兮

韓曰公永貞元

年乙酉敗永州司馬至元和九年甲午為十年矣明年始召至京師又出為柳州刺史

增蔽吾以

蓬蒿聖日以理兮賢日以進誰使吾山之囚吾兮滔滔

### 愈膏肓疾賦

孫曰成十年左氏晉景公疾病求醫于秦秦伯使醫緩為之未至公夢疾為二豎子曰彼良醫也懼傷我焉其一曰居肓之上膏之下若我何醫至曰疾不可為也膏肓也心下為膏公借此以論治國之理焉晏元獻嘗親書此賦云膚淺不類柳文宜去之或曰公少作也音荒

景公夢疾膏肓尚謂虛假命秦緩以候問遂俯伏于堂

下俯伏一作伏身公曰吾今形體不衰筋力未寡子言其有疾

者何也秦緩乃窮神極思曰夫上醫療未萌之兆中醫

政有兆之者目定死生心存取舍亦猶卞和獻含璞之

璧伯樂相有孕之馬然臣之遇疾如泥之處堦張曰地有八堦

又和土也堦戶連切疾之遇臣如金之在冶雖九竅未擁四支且

安膚腠營胃膚腠音夫湊營字一作脫外強中乾孫曰僖十五年左氏張脈債輿外強

中乾言外雖有強形而內實乾竭精氣內傷神沮脈殫以熱益熱以寒

益寒針灸不達誠死之端巫新麥以為識識驗也楚禁切果不

得其所餐孫曰咸十年左氏晉侯夢大厲公覺召桑田巫巫言如夢公曰何如曰不食新矣六月晉

侯欲麥使甸人獻麥召桑田巫示而報公曰固知天賦之將食張如廁陷而卒餐七安切

性命如彼暄寒短不足悲脩不足歡哂彼醫兮徒精厥  
術如何為之可觀醫乃勃然變色攘袂而起子無讓  
我謂子子我之技也如石投水如弦激矢視生則生視  
死則死膏肓之疾不救衰亡之國不理巨川將潰非  
土之能塞捧激勇切大厦將崩非一木之能止斯言足以諭

大子令察乎孰是爰有忠臣聞之憤怒忘廢寢食擗

感歎

孫曰詩寤辟有擗註辟傷心也擗拊心兒上音開下婢小匹妙二切

生死浩浩天地

漫漫

莫半切

綏之則壽撓之則散善養命者鮐背鶴髮成

童兒

孫曰鮎魚名也鮎背謂背有鮎文鮎音台

善輔弼者殷辛夏桀為周漢

非藥曷以愈疾非兵胡以定亂喪亡之國在賢哲之所

扶匡而忠義之心豈膏肓之所羈絆

羈絆馬絡繫也上居宜切下音半

余能理亡國之利弊

利刺也齊也五官切

愈膏肓之患難君謂之

何以醫曰夫八紘之外

紘音宏

六合之中始自生靈及乎

昆蟲神安則存神喪則終亦猶道之紊也患出于邪佞

身之憊也

憊蒲拜切

疾生于火風彼膏肓之與顛覆匪藥石

而能攻者哉因此而言曰余今變禍為福易曲成直寧

關天命在我人力以忠孝為干櫓

音魯

以信義為封殖拯

厥兆庶綏乎社稷一言而焚感退舍

見上貞符序註

一揮而義

和匪具

孫曰淮南子魯陽公與韓戰酣日暮援戈而揮之日為之反三舍義和日御也

桑穀生

庭而自滅野雉雉鼎而自息

桑穀雉雉二事並見上貞符註雉古候切

誠天

地之無親曷膏育之能極醫者遂口噤心醉

噤巨切

跼斂

茫然

跼音局

投棄針石匍匐而前

匍扶蒲二音匍音伏又蒲墨切

吾謂治

國在天子謂治國在賢

治字一本作活

吾謂命不可續子謂命

將可延詎知國不足理疾不足痊佐荒淫為聖主保天

壽為長年皆正直之是與庶將來之勉旃

五百家註柳先生集卷二